



**NUPELA YELO FIN TUNA**

TRAIM WANPELA TUDE!

wantaim lombo na soya bin wel

Stap nau long stua klostu long yu

Namba wan kaikai bilong PNG ...

**Nogat senis long skul fi mak long neks yia...**

**pes 9**



**Bewani Oil Palm projek Agrimen Spesol...**

**Pes 14,15 na 16**

# Amerika laik strongim gen pasin poroman

**Paul Zuvani i raitim**

**AMERIKA i laik strongim gen poroman pasin wantaim Papua Niugini.**

**Na em bai soim dispela long ol wok em bai kamapim.**  
Dispela i tok bilong Seketari bilong Amerika na namba tri lidameri long Amerika, Hilary Clinton, long

wokabaut bilong em long PNG long aste avinun.  
Mis Clinton i kam long PNG long wokabaut em i mekim long ol Pasifik ailan kantri.

Bihain long dispela em i go long Nu Silan.  
Em i tok Amerika i mekim poroman wantaim ol Pasifik kantri long las 60 yia.

Wokabaut bilong em long aste i lukim em i bung wantaim Praim Minista Se Michael Somare, Gavana Jeneral Se Paulias Matane, Minista bilong Envaironmen na Konsevesen, Benny Allen, ol lidameri na lukim ol wok i kamap long daunim hevi bilong klaimet senis.


Em i tok planti ol senis na hevi i wok long kamap na PNG i mas redi long bungim dispela ol senis.

Long wok bisnis Mis Clinton i tok Amerika bai helpim PNG long trenim ol saveman olsem petrolum jiolosi na enjinia long mekim wok long PNG Likuifaid Neturel Ges (LNG) projek.

"Mipela i laik helpim kantri bilong yupela i tanim ol neturel risoses bilong yupela long mak we yupela i ken kisim gut kaikai long ol.

"Ekspot-Impot Benk bilong Amerika i tok orait long wanpela bikpela mani long helpim yupela i developim ges projek bilong yupela.

"Mi tok tenk yu long Praim Minista (Se Michael) long sapot em i givim long statim gutpela kamap bilong dispela wok," Clinton i tok.



**MAKIM AMERIKA:** Sekreteri ov Stet bilong Amerika, Hilary Clinton, i bin kam pundaun long Pot Mosbi asde apinun long skruim raun bilong em i kam long Pasifik. Misis Clinton i bin bung wantaim Gavana Jeneral Sir Paulias Matane, na ol arapela lida. Gavana bilong Nesenel Kapitel Distrik, Powes Parkop wantaim Foren AfesMinista Sam Abal i bin stap wantaim mausman bilong Amerika, Ambaseda Teddy Taylor (raithan). *Poto: Nicky Bernard*

**Moa stori long pes 2**

**Teksim Fevret Sta blo yu!**

Lukim EMTV displa Sunde long 6:30pm nait. Teksim nem lo sta yu laikim i go lo namba1699 na bai yu go insait lo laki dro we yu inap winim kes moni na fri kredit!

**Digicel stars**



Digicel tems na kondisen istap insait

**OX & PALM**

**True Buli Bif Bilong PNG.**

**OX & PALM BRAND CORNED BEEF**

NET WEIGHT 340g



# Amerika laik strongim gen poroman pasin

*I kam long pes 1*

Ol arapela samting em i tok long Amerika bai helpim em:

- GIVIM \$US21 milion (K53.76 milion) long ol Pasifik kantri long narapela tupela yia long wok bilong klaimet senis we PNG i wanpela bilong ol;
- TRENIM ami na mekim eksasais wantaim ami bilong PNG;
- STRONGIM wok bilong ol meri na givim moa luksave long ol meri;
- STRONGIM wok bilong pait agensim HIV/AIDS;
- STRONGIM stap bilong Korel Traiengel (na ol samting i stap aninit long solwara long dispela hap); na
- STRONGIM wok bilong lukautim bus (diwai) bilong PNG.

Na long dispela Embasi bilong em long PNG bai makim wanpela hap long Mosbi na sanapim nupela embasi haus.



Mista Kemish redi long givim medal long Dulcie Faith Mose Authembo, husat man bilong em em bilong em leit Coplan Irua Authembo bilong Kanadara viles, em Fuzzy Wuzzy Enjels na wok long Kokoda, Miola, Mosbi, Buna, Gona, Oivi na Gorari. *Poto: James kila*



Pikinini man bilong Wol Woa 2 Kepten Bert Kienzle, Soc i givim toktok na meri bilong em Robin i soim olupela fleg em papa bilong em i putim i go antap long Kokoda long Novemba, 3, 1942 taim ol Australia soldia i kisim bek Kokoda long ol Siapan. *Poto: James Kila*

# Namba wan Fuzzy Wuzzy Enjels De long Kokoda

**JAMES KILA** i raitim

PAPUA Niugini long aste November 3, 2010 long namba wan taim stret i luksave long “Fuzzy Wuzzy Enjels De” wantaim opisal seremoni long Kokoda stesin long Oro provins.

Gavman bilong PNG i makim deit Novemba 3, olsem spesel de long luksave na tingim bek bikipela hatwok, pen na gutpela pasin poroman em ol lain tumbuna bilong yumi i soim long helpim ol soldia bilong Australia taim pait bilong Wol Woa 2 i kamap long Kokoda, Milen Be na Rabaul.

Novemba 3, em spesel de bikos dispela deit long 1942 em taim ol soldia bilong Australia i apim fleg i go antap long Kokoda stesin bihain long ol i pait na rausim ol lain Siapan long Kokoda Treil.

“Fuzzy Wuzzy Enjels” em nem ol soldia bilong Australia i bin givim long wanpela lain man bilong Papua Niugini husat i bin helpim ol lain soldia bilong Australia husat i kisim bagarap long woa na wokabout bihainim Kokoda Treil long Wol Woa 2 na tu ol arapela ples insait long kantri.

Moa long 50,000 ol Fuzzy Wuzzy Enjels em ol lain Australia i kisim ol na i save peim ol 10 siling tasol long wanpela mun long mekim planti ol hatpela wok insait long bikipela bus ples, maunten na bikipela wara long helpim ol soldia bilong Australia.

Bikipela luksave long “Fuzzy Wuzzy Enjels De i bin kamap taim foma Minista bilong Kalsa na Turism, Charles Abel, i bringim pepa long tokim gavman long luksave long dispela de. Olsem na long tude gavman bilong PNG na Australia i luksave olsem long olgeta yia long Novemba 3, olgeta lain long kantri mas tingim dispela de.

Long aste nogat ol nesenel palamen memba olsem ol minista i bin go long dispela seremoni long Kokoda. Ol i makim tasol ol ofisa bilong ol tasol i go long givim toktok long makim dispela de.

Tasol ripot Wantok Niuspepa i kisim long Kokoda long aste i tok olsem selebresin long makim dispela de i bin stap insait long samting olsem wan wik olgeta we i lukim ol spot pilai i kamap na tu ol tumbuna singsing long soim luksave long dispela de.

Foma meya bilong Kokoda taun, Ori Kenia, i tokim Wantok Niuspepa long seremoni long Kokoda long aste olsem Australia mas luksave long dispela de bikos sapos ol lapun tumbuna bilong yumi ol Papua Niugini i no bin helpim ol kantri bilong ol i no inap kamap olsem tude. Ol lain Fuzzy Wuzzy enjels i bin hatwok tru long helpim ol soldia bilong Australia long pait, karim ol lain soldia i sik na kisim bagarap na tu ol i mekim wok long hait na lukim wanem ples ol Siapan i stap na toksave.

Long aste i lukim tu Hai Komisina bilong Australia i kam long PNG, Ian Kemish i givim Fuzzy Wuzzy Enjels Komemoretiv Medal long soim olsem Australia i luksave na amamas long gutpela pasin long lukautim na helpim ol soldia bilong em ol lain man bilong PNG i soim long Wol Woa 2.

Mista Kemis long seremoni long Kokoda stesin long aste i givim Fuzzy Wuzzy Enjel medal i go long 6-pela lain, tupela bilong ole m i bin stap long dispela taim bilong Wol Woa 2.

Narapela samting we i kamap long dispela seremoni long Kokoda i lukim pikinini man bilong Kepten Bert Keinzle, nem bilong em Soc i soim olupela fleg tru we ol lain Australia soldia i bin putim i go antap long Kokoda long Novemba 3, 1942. Dispela fleg em Kepten Kienzle i bin putim i go antap taim em i wok olsem wanpela agrikalsa man na tu wanpela gol maina taim ol Australia soldia i kisim bek Kokoda long birua bilong Siapan long 1942.

Yanpela Soc Kienzle, i putim ol medal bilong papa bilong em na kam long Kokoda wantaim meri bilong em Robin long soim dispeal olupela fleg tru fran long ol pipel. Mista Kienzle i mekim ol toktok bilong em long tokples Motu na planti lain i amamas tru taim em i givim stori bilong papa bilong em, husat i save go pas long wok wantaim ol Fuzzy Wuzzy Enjels.

## OXFORD, TOK PISIN INGLIS DIKSENERI

Katim, na pulimapim oda form daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

## ORDER FORM

TITLE	ISBN	PRICE inc GST	QTY	SUBTOTAL
PNG Tok Pisin English Dictionary	9780195551129	K38.50		
Recommended retail price correct at the time of printing and is subject to change without notice.				USUAL <input type="checkbox"/>
				PLUS FREIGHT <input type="checkbox"/>
				GRAND TOTAL <input type="checkbox"/>

\*Freight cost for each book:  
K5.00 within PNG, K10.00 elsewhere  
K3.50 rest of Pacific, K11.00 rest of the world

- Options for Payment  
 1) Direct payment into Bank Account (details below)  
 2) Mail Cheque to Word Publishing Company Ltd, PO Box 1983, BOROMBO, WCLL  
 3) Call into the office: Office 02, Section 54 Alifan Road, Waigani City, MTD.

Account Name: Word Publishing Company Ltd  
 Account Number: 100 000 5380  
 Bank: Bank of South Pacific Ltd  
 Branch: Commercial Centre  
 Branch Code: 8951  
 Swift Code: BOSPPPM

FAX BACK TO : (675) 325 2579

If you are ordering more than one copy please contact us by phone.  
 Phone: (675) 325 2500  
 Fax: (675) 325 2579  
 Email: word@wantok.com.pg

Name (print): \_\_\_\_\_ Phone: \_\_\_\_\_  
 Address (print): \_\_\_\_\_  
 \_\_\_\_\_  
 \_\_\_\_\_  
 Email: \_\_\_\_\_ Signature: \_\_\_\_\_



# Kwila i wok long sot long ol bus bilong PNG



**BUNGIM SID: Ol pipel bilong ples Amanab i bungim ol sid bilong diwai Kwila.** Foto: Tom Bukon, Menesa, Netseral Fores Menesmen, Nesenel Fores Atoriti.

WOL Waid Fan fo Netsa (WWF), wanpela bikpela konsavesen ogenaesen long wol, i wokbung wantaim ol arapela ogenaesen na poipel long kamapim ol rot bilong lukautim diwai Kwila.

WWF, aninit long Westen Melanesia Program i wokbung wantaim ol gavman dipatmen, papagraun, na ol timba kampani long painim rot bilong menesim na painim gutpela rot bilong kamapim na salim ol Kwila na ol prodak we i kamaut long diwai kwila.

Long wanpela woksap we i bin kamap long kirap bilong dispela mun, ol stekholda olsem WWF, CITES Menesmen Atoriti bilong Dipatmen bilong En-vironmen na Konsavesen, ol

Fores Indastri Asosiesen, ol timba kampani, na PNG Fores Atoriti, i bin bung bilong paitim toktok long Kwila insait long kantri.

Insait long dispela tupela de woksap, olgeta lain husat i bin kamap, i luksave olsem ol kwila diwai i wok long pinis insait long kantri, na moa yet long en, insait long Sandaun provins. Olgeta i tokaut tu olsem olgeta stekholda i mas wanbel na painim rot bilong stretim dispela hevi, insait na ausait long kantri tu.

Dokta Ruth Turia, Dairekta bilong Polisi na Plening Dairektoret long PNG Fores Atoriti, i tok olsem, "ol samting yumi mas mekim insait long kantri em long dispela Kwila Teknikal Wok Grup i mas kamapim wanpela

menesmen plen we bai i bungim ol loa na rot bilong mekim samting long makim gut ol pasin bilong mekim wok namel long PNG Fores Atoriti na timba kampani."

Dokta Turia i tok moa, olsem long mekim dispela i kamap gut, ol wok painimaut long we bilong planim, na groa bilong diwai, na hamas timba diwai i ken kamapim na we bilong stretim o banisim ol binatang na sik long bagarapim diwai i mas kamap, na save ol i kisim long ol dispela wok painimaut i mas stap insait long dispela plen.

Dokta Turia i tok moa olsem wok bilong was, monitarim na riport i mas kamap gut tu.

■ i go moa long pes 4

## Oposisen redim polisi pinis long ronim kantri - Temu

James Kila i raitim

MEMBA bilong Abau na foma deputi praim minista, Se Puka Temu, i tokaut olsem taim em wantaim ol lain bilong em long oposisen i kisim gavman bikpela luksave em long 'politik bilong developmen'.

Se Puka em wanpela kenidet em Oposisen i makim long putim taim vot i nogat bilip i kamap long Novemba 16 taim Palamen i bung.

Em tok bikpela luksave em long 'politik bilong developmen' bikos long nau yet planti samting long gavman i no ron stret na planti lida i no bilip moa long dispela gavman long tude.

Em i mekim dispela toktok long Bewani long Wes Sepik provins long las wik Fonde taim em i bin go wantaim Memba bilong Vanimo-Grin, Belden Namah long lonsing bilong Bewani Oil Pam Projek.

Se Puka i tok olsem ol lain bilong en i redi pinis wantaim ol polisi o plen long ronim gut kantri i stap. Tasol bikpela samting em long Spika bilong Palamen i ken tok orait long vot i nogat bilip i ken kamap taim palamen i sindaun in-



**Oposisen kenidet bilong praim minista posisen, Se Puka Temu wantaim MP bilong Vanimo-Grin na lida bilong PNG Pati, Belden Namah, i go bihain long ol sumatin bilong Vanimo long welkam las Fonde.** Foto: James Kila

sait long tupela wik taim.

Narapela bikpela toktok Se Puka i mekim em olsem gavman bai putim bikpela was na lukaut long ol pablik sevan olsem ol i mas mekim gut wok. Ol lain husat i no mekim wok em ol bai rausim ol.

Em i tok olsem wanpela sistem bilong sekap na luksave olsem ol sinia gavman wokman meri i mekim wok bai kamap taim nupela gavman i go insait. Olsem na

wanem i slek long wok long gavman dipatmen na wok i no go daun long ol provins na distrik, em gavman bai rausim ol.

"Mipela bai mekim wok we i lukim ol gavman institusen i kari-maut wok bilong ol gut," Se Puka i tok.

Narapela bikpela toktok Se Puka i mekim em olsem taim em i kamap praim minista, gavman bilong em bai givim

bikpela luksave na putim invesmen long edukesin.

Se Puka i tok olsem taim gavman i putim invesmen long edukesin na human risos kantri i ken lukim moa gutpela senis i kamap.

Se Puka i bin givim bikpela tok amamas na luksave long Mista Namah long bringim kamap gutpela agro-forestri developmen long Vanimo-Grin.

Em i tok Mista Namah i wanpela gutpela yangpela lida we i gat gutpela bel na tingting long helpim ol pipel bilong em long ruel eria long sait bilong developmen.

Se Puka i tok amamas long dispela oil pam projek long Bewani bikos dispela investa, Prosper Grup ov Kampani i bringim planti gutpela helpim tru insait long agrimen bilong en long helpim ol lain papagraun.

Sampela long ol dispela helpim i narakain tru na i winim ol narapela agrikalsa na oil, ges na gol projek insait long PNG.

Gutpela piksa em olsem dispela Bewani oil pam projek bai helpim long wokim moa long 1,500 haus bilong ol lain papagraun long ples bilong ol, projek bai givim helpim long win-mani em i kisim long sapotim sios, edukesen na tu wokim rot, bris, na haus sik bilong ol pipel.

Narapela samting tu em Bewani oil pam i lukim olsem taim kampani i mekim projek, 15-pesen bai go long 4-pela lain kampani em bilong ol papagraun.

Se Puka i tok dispela projek i mekim histori na i winim tru planti ol arapela projek insait long kantri.

## PNG's Nambawan Mackerel

**Besta**  
FINEST QUALITY



**It's Better, It's Besta!**





**WOKMAN  
LUKAUTIM:**  
Wanpela wokman insait long haus nursery bilong kwila.

# Kwila i wok long sot long ol bus bilong PNG

**ikam long pes 3**

“Moa yet long en, ol polisi bilong pinisim salim bilong diwai kwila i go aut long kantri i mas kamap, na olgeta wok bilong kamapim ol prodak bilong kwila diwai insait long kantri i mas kamap, na dispela i mas go wantaim ol gutpela lo na i noken kamap olsem politiks tasol,” Dokta Turia i tok. Dispela i min olsem olgeta diwai kwila em ol i mas kamapim timba insait long kantri yet na ol i noken salim ol bikpela diwai i go aut. Mista Roy Banka, Fores Kodineta bilong

WWF i tok, ‘Rot bilong putim diwai kwila aninit long CITES i mas kamap tu na bilong strongim bisnis bilong kwila sapos ol timba kampani i laik go het long kamapim ol kwila prodak. Em i tok dispela rot em i karamapim saintifik na wok painimaut, menesmen plen na lo bilong banisim kwila risos sapos em i kam aninit long CITES apendiks 2.

Mista Banka, i tok tu olsem toktok bilong graun em i bikpela samting tu we ol i mas tingim.

“Dispela i min olsem ol papagraun i mas luk-

save long pasin ol i save mekim we i ken bringim hevi na i no inap long helpim ol risos bilong ol na taim ol i luksave ol bai no inap long askim ol timba kampani long mekim ri-entri o go bek long katim diwai gen bihain long sampela yia we bai i mekim olgeta kwila diwai i pinis olgeta.

Kwila Teknikal Wok Grup (KTWG) i bin kamap long mun Me 2009, bihain long tok lukaut i kamap insait long wanpela woksap we ol i luksave olsem namba bilong diwai kwila i wok long go daun na sapos gavman

na ol NGO, na papa-graun i no mekim sampela gutpela samting bai olgeta diwai i pinis tru.

Insait long dispela woksap we tupela NGO, WWF na TRAF-FIC, i go pas long en, ol i luksave olsem sapos kantri i no mekim wanpela samting, bai olgeta diwai kwila i pinis liklik taim bihain.

TRAFFIC em i wanpela ogenaissen we i save putim was na monitarim ol wok bisnis we i kamap long ol wel abus, binatang, pis na diwai na plawa samting.

Ol i mekim olsem bai ol kain wok bisnis i

noken bagarap na pinisim tru olgeta wail laip na diwai na plawa samting.

TRAFFIC em i wanpela join progrem bilong WWF na IUCN o Intanesenel Yunion bilong Konsavesen bilong Netsa (o busgraun na olgeta samting insait long en).

Bikpela luksave bilong KWTG, em olsem Kwila i pinis long planti hap bilong kantri na dispela diwai i mas kam aninit long CITES Apendiks 2.

CITES, em wanpela Konvensen long intanesenel tred long ol diwai, plawa, binatang, na wel abus we i stap long mak bilong pinis tru long dispela graun.

CITES Appendix II em i wanpela lista bilong olgeta plawa, diwai, binatang, na wel abus, we bai pinis tru long dispela graun sapos ol kantri i no mekim samting o painim rot bilong helpim ol bai ol i noken dai na pinis olgeta.

Ol bisnis bilong salim na baim ol samting we i stap aninit long lista Appendix 2, i mas kisim tok orait long ol gavman bilong wanwan kantri. Ol dispela tok orait em ol bisnis i ken kisim sapos ol opisa long wanwan kantri i luksave olsem ol dispela bisnis i bihainim tru lo bilong ol long banisim ol dispela samting bai ol i noken dai na pinis olgeta.

Bikpela samting em KWTG, i laik kamapim wanpela menesmen plen bilong Kwila diwai na ol samting o prodak ol i mekim long kwila insait long PNG.

Sampela tim memba bilong KWTG, i bin mekim pinis tupela fil trip i go Amanab 1-4 na Amanab 5-6 FMA eria insait long Wes Sepik provins. Ol i luksave long dispela wokabaut bilong ol olsem kwila i wok long kamap sot tru insait long ol FMA na i no long taim bai olgeta diwai i pinis tru, sapos olgeta stekholda i no wokbung wantaim na kamapim sampela plen hariap tru, bilong sevim na lukautim o groim ol dispela diwai long plantesen.



## Man i olsem Man o kristen man o enimal?

PASIN yu mekim i soim yu Kristen man (loving) o yu man bilong graun (human) o yu wel abus (animal)? Yu lukim man i wokabaut na yu wok long tingim: Em wanem kain man? Em i bihainim wanem tingting o laik? Em i bilip long wanem samting? Wanem laik tru (desire) i stap long bel bilong em?

I tru! Man i ken laik tru long stap laip wantaim God; man i ken hop tru long pasin bel isi i stap long graun na man i sindaun gut wantaim; o man i ken tingim em yet na nogat wari long narapela. Wanpela man i wokabaut na i karim naip long han bilong em. Narapela man i karim mobil pon na narapela i karim korona.

Tasol man i ken tok: “Ating mi paul liklik, bikos sampela taim, mi save karim olgeta tripela wantaim! Nogut, sapos sampela taim pasin bilong mi i senis na sampela taim mi raun olsem gutpela man ( a human being) na sampela taim mi raun olsem Kristen man (faithful and loving) na sampela taim mi raun olsem wanpela wel abus stret (animal).” Harim, 96% bilong ol manmeri bilong kantri bilong yumi i save tok olsem: “Mi Kristen!” Tasol, pasin yu mekim i save soim yu Kristen o nogat!

Fraide i go pinis, mi raun long kar na mi kamap long ples Erima. Pait i kirap na sampela man i raunim wanpela maugras man na trai long bagarapim em. Em yet i pait bek na trai long katim wanpela man long gras-naip. Taim mi lusim ol, mi lukim het bilong dispela man i bruk, blut i wok long kapsait, na mi no save ol i kilim em indai o nogat. Taim mi lukim ol mi bin ting: “Ol i pait olsem ol enimal!”

Taim yu raun olsem enimal, yu no tingim o wari long narapela? Yu tingim yu yet na laik bilong yu yet. Paitim na kilim man indai – ol violence – em samting bilong ol enimal. Man i gat het na tingting na em inap harim tok na toktok; ol enimal nogat. Pait i kirap bikos man i les long toktok na harim tok; long bel bilong em, em i laik pait na bagarapim narapela.

Man i olsem wel abus (animal) taim em i mekim sin na bagarapim laip bilong narapela. Enimal-laip i stap taim man i giaman planti na wokim ol kain kain trik na stil-pasin. Dispela ol samting em sin i save bagarapim komyuniti laip. Trupela Kristen-pasin i stap long man i bel isi; man i tok tru na wok long painim wanem samting i tru; na pasin man i mekim long narapela em mas bilong helpim na strongim komyuniti.

Tasol, skul bilong mi em long HIV na AIDS. HIV i kamap wantaim pren-pasin - man i prenim meri o man i prenim man, na wanpela i givim sik (HIV virus) long narapela. Tasol, wet pastaim! Mi tok long pren – pasin. Pren i mining olsem: em “PREN” bilong mi na samting mitupela i mekim em bikos mitupela i laik mekim wantaim.. Tupela i stretim tok na laik, na wokim samting wantaim”. (neks wik bai mi tok long dispela samting i gutpela tru na stret o nogut!).

Na olsem wanem long taim i no “PREN-pasin”? Man i wokim samting long laik bilong em yet na i no tingim meri o man em i bagarapim. Komyuniti bilong yumi i pulap tru long ol: bikman i bagarapim yangpela na “forced sex” insait long marit laip. Tu, pasin bilong baim meri o man em nogut olgeta; meri o man, ol i baim, i nogat LAIK long wokim dispela samting; ol i mas mekim. Ol dispela kain pasin em pasin bilong enimal. Yu laik yusim bodi bilong narapela bilong amamasim yu yet na, taim yu inapim laik bilong yu, yu tromwe em olsem wanpela hap pipia. Enimal! Yu no tingim narapela - yu no respektim narapela - na yu no respektim yu yet.

Tasol, pasin yu mekim i save soim yu Kristen o nogat! Hamas taim yu lukim o ritim stori long paitim meri, rape o abuse o semin meri na man long prostitution? Komyuniti bilong yumi i pulap long dispela kain enimal-pasin.

Tasol, planti man i save mekim dispela kain pasin i save tokaut olsem “Mi gutpela man tru (human being)” na ran i go long lotu long Sande (olsem Kristen). Giaman bilong yupela stret! Pasim yu mekim i soim yu Kristen o noat!

**Bai yumi mekim wanem nau?**

- Sios i gat wok long autim Tok bilong God insait long kantri. Nau Sios i mas tokaut klia long pren-pasin na marit laip na long we bilong strongim Kristen laip.
- I gat ol Lo i stap long kantri bilong was long laip bilong man na meri na pikinini Gavaman mas strongim ol dispela lo na kotim na kalabusim husat man i brukim lo. Long kotim ol tarangu i kisim hevi nogat - long kotim man i kirapim rong, yes!
- Tasol, bikpela wok tru i stap long wanwan komyuniti na kalsa. Ol i mas stretim tingting gen long pren-pasin na marit laip - bikos pamuk pasin, laik bilong wanwan, na kainkain bagarap i kamap na i stap bikpela tru nau. Komyuniti i save larim man i gat MANI long kirapim rong na man i gat MANI long stretim rong. Komyuniti mas makim lo and was long laip bilong ol lain insait long komyuniti.

I gat wanpela lain bilong kantri i tok namba bilong ol man i HIV pinis i godaun. Dispela tok i no tru. Harim tok i tru, tru: “[Olgeta] Man i gat HIV vairos i save givim long narapela man.”

Mi bin askim ol HIV lain bilong mi long dispela tok. Ol i tingim laip bilong ol yet na ol i bekim: “Tok bilong yu i tru!” i no gat wanpela i tok “ i no tru”. Olsem na, namba i gat HIV i save dabolim, dabalim, dabolim, i go i go! Namba bilong manmeri i HIV pinis i save go antap long olgeta de!

Tasol, pasin yu mekim i save soim yu Kristen o nogat!

# OL SU BLONG WOKIM BIKPELA WOK



NUBUCK - 6" LACE UP SUEDE LEATHER



EXPLORER - 8" LACE UP BROWN KIP LEATHER



**benchmark**  
PRODUCT CERTIFICATION

- ✓ DUAL DENSITY POLYURETHANE RUBBER SOLE FOR EXTRA COMFORT AND INCREASED WEAR
- ✓ LIGHTWEIGHT
- ✓ PORON INNER SOLES FOR EXCEPTIONAL COMFORT
- ✓ WIDE STEEL TOE CAPS
- ✓ FULL LENGTH TONGUE
- ✓ CERTIFIED TO AS/NZ 2210.3
- ✓ OIL & HEAT RESISTANT SOLE
- ✓ PADDED COLLARS

BRUT - SLIP ON

# BISHOP BROTHERS

*everything for industry...*



# Gavman i stap bilong sevim pipel o em i wanpela namel man bilong foren investa long ol maining na petroleum projek?

**G**avman i stap bilong sevim pipel o em i wanpela namel man bilong foren investa long ol maining na petroleum projek?



PASIN gavman i mekim long senisim Envaironmen Ekt 2000 long raunim disisen bilong Nesenel Kot long Madang sampela mun i go pinis, em i kamap bihainim asua bilong gavman we ol i nogat wanpela klia investmen polisi long ol bikpela risos developmen long dispela kantri.

Moa yet, ol politisen bilong yumi i nogat klia luksave long wok bilong ol olsem wanpela gavman insait long ol bikpela maining na petroleum developmen projek i kamap insait long kantri.

Ol i abrus pinis long bekim wanpela askim, olsem: 'Olsem wanpela gavman, ol em ol reguleta bilong lukautim sindaun bilong pablik, o ol i kamap ol ejen bilong ol praivet foren investa?'

Namba wan bikpela wok bilong gavman em long mekim ol gutpela lo bilong kamapim gutpela sindaun bilong pipel bilong en.

Na aninit long lo, namba wan rot gavman i ken kisim winmani em long ol takis em i kisim bihainim ol takis lo bilong en. Wantaim dispela ol winmani i kam long takis, gavman i mas givim ol besik sevis olsem helt kea, eduksen na ples bilong givim trening, pablik trenspot, na kamapim gutpela sindaun

we i orait long mekim wok bisnis na ekonomik wok-about bilong kantri. Em i no planti wok, na mak bilong winmani gavman i ken kisim em i winim dispela ol wok.

Long wanpela kantri olsem PNG, we bikpela hap namba bilong ol manmeri em ol lain i stap long ol ples, ol wanpisin, na tumbuna husat i sindaun long graun, i mas i gat ol spesol polisi i stap long redim gut pipel long lusim tumbuna sindaun na kamap long sindaun bilong tude. Long toktok bilong tude, dispela em i wankain olsem long tok inglis, ol i save tok, "empowerment through capacity building", o strongim manmeri wantaim save bilong mekim samting.

Mipela em ol pipel bilong long taim, lukluk bilong yumi yet we i narakain long ol arapela. Dispela luksave i karamapim spirit wol na wol yumi ken holim na lukim i stap. Olsem tasol, yumi save holim strong skul bilong ol tumbuna insait long olgeta hauslain, na em i wanpela wol tasol i karamapim yumi olgeta/

Olsem na ples yumi sindaun long en em i bikpela

samting long yumi yet olsem man na sapos ples yumi sindaun long en i bagarap long kisim moa mani, na samting bilong graun, yumi, olsem wanpela pipel bai bagarap wantaim.

Bikos gavman i nogat klia nesenel polisi long maining na petroleum developmen, em i no inap long givim gutpela tingting long taim bilong sainim o kamapim ol kain kain Projek Agrimen we bai mas go long kisim tok orait na luksave bilong gavman. Gavman i nogat wanpela mak bilong makim bai em i ken givim tok orait, o skelim gut ol gutpela na nogut bilong ol bikpela projek developmen sab-misin. Dispela i wankain olsem taim yu draivim kar long wanpela nupela ples, nay u nogat piksa bilong soim ol rot bilong dispela nupela ples yu stap long en.

Mipela i pasim ai na guria long kisim mani long ol praivet foren investa, na yumi lusim pinis stret-pela tingting na pasin olsem wanpela gavman bilong wanpela indipenden kantri. Em nau, yumi paulim pinis wok bilong yumi olsem wanpela gavman bilong pipel, i kamap long laik bilong pipel, na i wok bilong lukautim pipel, aninit long wanpela mama lo ol i raitim na stap.

Taim yumi stap insait long dispela paul tingting olsem, ol gavman i stap i kam inap nau i wok long lukim ol bikpela petroleum

na developmen projek olsem 'rot bilong kisim mani' na i no rot bilong kamapim gutpela developmen. Em i olsem yumi wokabout i go insait long bik bus, na yumi no luksave long ol diwai i stap laip na i gro. Nogat. Yumi lukim tasol ol diwai i dai pinis na i silip i stap long somil bilong salim i go long Malesia.

Dispela gavman tasol i kalap i go sindaun antap pinis long baksait bilong ol foren investa, na nau yumi lukim tupela wok ya em wok bilong gavman long makim na lukautim pipel na wok bilong gavman i bihainim laik bilong mekim mani bilong em yet.

Bikos i nogat wanpela klia, strongpela nesenel polisi long maining na petroleum developmen, em i isi long gavman i pundaun na kamap poroman bilong ol foren investa bikos long sait bilong ol investa, ol i no inap long painim wanpela gavman we i kamap wanpela gutpela bisnis patna we ol i ken givim mani long laik na no inap wari long wanpela banis i stap long pasim ol.

Nau gavman bilong dispela indipenden kantri i sindaun poromanim ol, ol i pasim rop long nek bilong en, na nau foren investa i ken yusim ol pawa bilong gavman na ol pablik risos em i gat long stretim gut rot bilong ol, na yusim ol takis pawa bilong gavman long kisim ol traipela takis malolo tru.

Na sapos i gat sampela belhevi i kam long pipel, em nau investa i ken tokim nesenel gavman long salim nesenel polisi fos i go. Sapos em i no nap, Difens Fos i stap long go na pasim maus bilong ol manmeri.

Na nau nesenel gavman i kamap ejen o bisnis patna bilong praivet foren investa, mipela i nogat wanpela pablik atoriti i stap we i gat gutpela tingting long mekim wok bilong gavman na banisim gut pipel, busgraun bilong ol, na laipstail bilong ol.

Mobeta wok bilong wanpela bisnis patna wantaim wanpela foren investa em long tok nogat long holim hap sea bilong ol projek, na bai yumi ken holim strong wok bilong yumi olsem gavman bilong wanpela indipenden kantri we i holim pawa bilong makim na kisim takis bai yumi ken strongim foren karensi eksens bilong yumi na was long mani i kam na go aut long kantri. Bai yumi noken lus long sampela hap winmani yumi mas kisim.

Yumi mas tok strong tu olsem olgeta winmani i kam long ol risos bilong long kantri olsem foren kanrensi na i noken go sindaun ausait long kantri.

I gat planti moa samting gavman i mas wokim, na em i no wokim.

Tasol nogat. Nau yumi tingting long dinau mani long baim ekwiti, olsem na yumi mekim indipenden kantri bilong yumi

kamap wanpela rot bilong kirapim praivet foren investmen, o mekim wok olsem wanpela liklik bisnis patna i mekim wok long dinau mani.

Dispela gavman i abrus pinis long strongim pipel we em i mas banisim; em i bagarapim pablik wok bilong en olsem em i mas mekim ol lo, na em i lusim pinis bilip bilong em olsem wanpela eksekutiv gavman bilong wanpela indipenden kantri; em i brukim pinis bilip bilong pipel, na em i yusim ol pawa bilong em long mekim lo long senisim ol gutpela lo wantaim ol nogut lo; em i daunim strong bilong em long mekim ol takis lo, na givim ol bikpela takis malolo, na dispela i daunim ol bisnis i stap pinis; na i abrusim foren karensi wok bilong en, long larim winmani i go aut long kantri; na nau, em i no mekim wok bilong gavman tru, em i wok-bung wantaim ol foren investa na bagarapim indipendens bilong en we nau em i no inap long yusim pawa bilong em long sanapim gutpela gavman; na i brukim lo taim em i salim ol memba bilong Royal Papua Niugini Konstabulari long banisim ol hap bisnis bilong em yet na daunim ol pipel bilong Papua Niugini; em i brukim Lidasip Koud long banisim ol sindaun na bisnis bilong ol politisen; na moa yet, dispela gavman i no strongim bilip, na tok-tok, na tingting bilong Nesenel Konstitusen o Mama Lo.



**WANTOK**  
Niuspepa bilong yumi ol PNG  
*Stret!*





# Is this government a public regulator or a private agent for a foreign investor in mining and petroleum projects?

**T**HIS government's recent move to amend the Environmental Act 2000 to outwit the decision of the National Court sitting at Madang some months ago, is the outcome of our successive government's lack of a well-defined and concise investment policy on major resources development in this country.

In particular, our politicians do not have a clear view of their role as a government in major mining and petroleum development projects undertaken in the country. They have failed to answer one basic question, namely: 'As a government, are they regulators for the public benefit, or are they agents for the private foreign investor?'

The primary function of any government is to make good laws for the well being of its people. And under the law, the major source of the government's revenue is the collection of taxes by exercising its taxation powers. With the moneys thus collected, the government of the day must provide certain basic services like health care, education and training facilities, public transport and generally, provide a setting conducive to commerce and industry and a sense of order in the social and economic life of the country. It is not such a long list compared with the funds that we can access as a government.

And in a country like PNG, where the population base are the indigenous societies characterized by villages, clans and tribal orders which are primarily land-based and rural, special policies must be formulated and implemented to ensure an



orderly transition from the traditional setting to the modern setting. In modern day jargon, this is akin to community empowerment through capacity building.

We are an ancient people with our own world view of life, encompassing both the spirit world and the physical world. In effect, we uphold the view passed down by our ancestors from generation to generation that there is really only one world encompassing both the spirit and the physical, not unlike man, who is both spirit and matter combined.

Therefore, the physical environment being our habitat is very much part and parcel of our inner being as a people so where our physical environment is ruined in the name of money and material wealth, we are also ruined as a people.

Because the government does not have a clear national policy on mining and petroleum development, it is unable to make any value judgment when faced with various Project Agreements submitted for consideration and approval by the government. The government does not have the necessary yardstick by which to assess the pros and cons of any major project development submissions. This is akin to driving in a foreign city without

a road map for that particular city.

In our blind zeal to access private foreign investor funds, we stooped so low that we lost our integrity as a government of a sovereign State and accordingly, confused our role as a government of the people, by the people, and for the people, under a written constitution.

Whilst in that state of confusion, our successive governments have viewed any proposals for major mining and petroleum development projects as "ready cash" and not mere proposals for possible development. It is like walking into a jungle and not recognizing the organic trees, full and vibrant with life, but seeing only the inorganic logs heaped in a log yard waiting to be shipped to Malaysia.

Unfortunately, this government in particular has jumped on the bandwagon of the foreign investor so that there is now a merger of functions between the government's public role vis-a-vis the citizens on the one hand and the government's pursuit of its ill-defined economic interest on the other hand. In effect, what has really happened, is that without a clear, crisp and concise national policy on mining and petroleum development, it was easy for the government to be enticed, lured or seduced into partnership with foreign investors because from the investors' point of view, they could not have hoped for a better business partner than the national government of a country where they will pour in their money.

With the government of a sovereign State securely on

board their bandwagon with a dog collar around its neck (or is it an Irish Dog Collar), the foreign investor can then tap in on the government's law making powers and public resources to ensure a smooth ride for their capital and at the same time, exploit the government's taxation powers by getting away with hefty tax concessions. And if there is any opposition by the people on the land, then the investor can force the national government to deploy the national police force and if that fails, then there is the defence force to move in to keep the people at bay. And given that the national government has opted to become an agent for or a business partner with the private foreign investor, we are left without a public authority with any integrity to perform the public function of a government to protect the people, their habitats and their way of life.

By far, the better option to being a business partner with a foreign investor is to decline the offer to take up equity in the projects, in order to maintain our status as a government of a sovereign state with the necessary authority to impose and collect taxes in various forms and to revamp our foreign currency exchange regime to oversee the flow of capital in and out of the country to ensure that we do not miss out on any financial benefits due to us. We must also insist that all revenue generated from the sale of our resources must be brought back into the country as foreign currency and not be parked anywhere outside the country and the list is endless.

However, we opted to borrow money to buy equity and thus, relegated our sovereign state to the lowly position of a facilitator for private foreign investment, or alternatively, being foolishly content to play the role of an insignificant business partner with borrowed capital.

This government has failed the people it is bound to protect; compromised its public role as a law maker, and lost its integrity as an executive government of a sovereign state; further violated the sacred trust and abused its law-making powers with impunity by replacing good laws with bad ones; improperly curbed its own taxation powers by conceding hefty tax exemptions and that way, discriminating unfairly against existing businesses; overlooked its own foreign currency regime to allow a free flow of capital out of the country; improperly deprived itself of or unduly stopped from exercising the public function of government, having connived and colluded with foreign investors or compromised itself so as not to exercise its constitutional powers of good governance; abused its legal authority by deploying members of the 'Royal Papua New Guinea Constabulary' to protect its ill-defined business interests against the interests of its people; violated the Leadership Code to protect the politician's personal and political interests; and in particular, this government has failed to uphold both the letter and the spirit of the National Constitution.



# WANTOK

## Niuspepa bilong yumi ol PNG Stret!





# COASTER LNG PACKAGE

- ✓ Air Conditioned
- ✓ Seat Belts
- ✓ Safety Triangle
- ✓ Reinforced Chassis
- ✓ White Only
- ✓ Immediate Delivery



## OTHER BENEFITS INCLUDE :

- Powerful 3.7 diesel engine
- 25 seater capacity
- Generous legroom
- Excellent headroom
- Rugged strength and durability
- Low operating cost
- High resale value

*Special Deal*  
**K146,900.**  
**DRIVE AWAY!**

**Ela Motors**

 **TOYOTA**

**Limited Stock Limited Time!**

**ALOTAU** PH 641 0100 • **BUKA** 973 9915 • **GOROKA** 532 1844 • **KAVIENG** 984 2788

**KIMBE** 983 5155 • **KOKOPO** 982 9100 • **LAE** 478 1800 • **LIHIR** 986 4099 • **MADANG** 422 2188

**MT. HAGEN** 542 1888 • **PORT MORESBY** - **BADILI** 321 7036 & **WAIGANI** 325 7388

**PORGERA** 547 9367 • **TABUBIL** 649 9060 • **VANIMO** 457 1254 • **WEWAK** 456 2255



Quality  
ISO 9001

*Your First Choice*

Terms & Conditions Apply . Offer Expires: 31/12/2010. [www.elamotors.com.pg](http://www.elamotors.com.pg)



# Tingim gutpela helt, eksasais na kaikai

Veronica Hatutasi i raitim

SAPOTIM na strongim ol meri, gutpela helti kaikai na lukautim gut busgraun em tripela bikpela samting we Mis PNG Ret Kros 2010, Rachael Sapery James, i laikim bai pipel long PNG long mekim na kantri bai go het gut.

Mis James husat i redi nau long Mis Saut Pasifik Pejen (Pageant) o Kwin resis i autim ol tingting bilong em insait long wanpela bung wantaim Wantok Nius long dispela wik.

Glasim tripela samting antap, Mis James i tok em i taim nau long ol PNG man na meri i givim bikpela tingting na lukautim gut helt bilong ol long wanem, kantri i laikim ol pipel na moa yet, ol yangpela save manmeri long kontribuit long ol wok go het bilong kantri. Olsem na wanpela long ol spot em i go insait long em nau we em i laikim bai ol woklain i ken go insait long kisim gutpela malolo na tingting na amamas em long "zumba danis".

"Helt na fitness o eksasais i bikpela samting mi laik promotim bikos long dispela taim, planti ol



Mis PNG Ret Kros 2010, Rachael Sapery James.

yangpela pipel i kisim gutpela skul na wok i wok long dai hariap. Mi laik bai yumi olgeta i was long ol kaikai yumi kaikaim na kisim ol gut-

pela balens kaikai olsem ol kumu, ol prut na i no ol gris, prai na tekawe kaikai. Yumi mas toktok long helt na kaikai na eksasais

bikos taim yumi mekim ol dispela samting, bai yumi wok gut, helt bilong yumi bai gutpela na yumi stap amamas," Mis James i tok.

Olsem hap long fan resing wok long redi long Mis Saut Pasifik Pejen bai kamap long Novemba 21 inap long krauning nait long Novemba 27 we ol bai tokaut lon wina, Mis James i mekim ol wok redi na wanpela em long wokim fan resing long helpim em long ol program bilong

Pejen wik na nait.

Mis James i karamapim tupela o tripela samting aninit long wanpela wok we long taim em i wokim fan

resing, em i karimaut ol wok awenes long helt na eksasais, gutpela kaikai na givim gutpela sapot long ol meri.

"Zumba em i wanpela kain helt na eksasais danis. Em i gutpela, isi na bai mekim yu pilim gut, amamas na fit. Na ol man na meri wantaim i ken go insait long dispela helt na fitness eksasais," Mis James i tok.

Ol i wokim Zumba eksasais na danis long Mande, Trinde na Fraide long Holide In long Mosbi. Ol i sasim K20 fi long ol bikpela manmeri na K10 long ol pikinini.

Tasol long dispela wiken Sarere Novemba 6, bai gat fan resing Zumba danis i kamap long Indo Se John Guise Stadium long Waigani insait long Nesenel Kapitel Distrik. Dispela bai stat long 3 kilok apinun na ol bai givim aut ol prais.

Dispela em i namba tu fan resing bilong Mis James long Mis Pasifik Pejen De. Namba wan fan resing gem long Golf De we ol bin resim samting olsem K20,000.

Askim i go aut long givim sapot long gutpela samting bai makim kantri olgeta.



## Pablik Notis

### SUPARENUESEN KONTRIBUSEN BILONG OL KESUAL WOKMANMERI

Sapos yu wanpela kesual o ansileri staf o wokmanmeri i holim dispela wok moa long tripela mun na yu stap long peirol moa long tripela mun, aninit long Lo, yu mas givim kontribusen i go long Suparenuesen bilong bihain taim bilong yu.

Lo bilong Suparenuesen i karamapim olgeta wok bisnis we i gat moa long 15 wokmanmeri, na olgeta wokmanmeri i mas kontribuit long wanpela Suparenuesen Fan bihain long ol i wok tripela mun na i go het, maski ol i kesual, o ansilari wokman. Dispela em wanpela luksave mak tasol.

Sapos yu wok moa long tripela mun olsem wanpela pemanen, kesual o ansilari wokmanmeri, tasol i no wok kontribut long seving bilong yu, yu mas kwiktaim toksave long Human Risos o Peirol opisa bilong yu long stat kontribut i go long Nambawan Super Limited. (Tingim olsem long olgeta wan kina yu kontribut, kampani i mas givim K1.40 long makim yu). Olsem, ol kontribusen; em bisnis/kampani bai peim 8.4% na ol wokmanmeri bai peim 6%. Mipela i laik tokim ol bisnis/kampani husat i gat aninit long 15-pela wokmanmeri long kontribut i kam long Nambawan Super Limited. Sapos yu (bisnis/kampani) i no bihainim dispela Suparenuesen Lo, bai i gat penalti na yu ken kamap long kot.

Tok orait i kam long

**Leon Buskens**  
Menesing Dairekta

Long kisim moa toksave, yu ken ringim ol dispela lain:

<b>HEAD QUARTERS</b> Ground Floor, Era Rumana P.O. Box 483, Port Moresby National Capital District Ph: 309 5311 Fax: 321 4406 Email: nspom@nambawansuper.com.pg	<b>MOMASE REGION - LAE</b> Ground Floor, Vale Rumana PO Box 1289, Lae, Morobe Province Ph: 472 2272 Fax: 472 4636 Email: nslae@nambawansuper.com.pg	<b>HIGHLANDS REGION - MT HAGEN</b> Suite 1, Ground Floor, Capina Building, PO Box 1574, Mt Hagen, Western Highlands Province Ph: 542 1182 Fax: 542 1186 Email: nshagen@nambawansuper.com.pg	<b>NEW GUINEA ISLANDS REGION - KOKOPO</b> Sec 6 Lot 19, Togigira Street, Kokopo, PO Box 806, Kokopo, East New Britain Province Ph: 982 8900 Fax: 982 8901 Email: nslabai@nambawansuper.com.pg	<b>Nambawan Super Goroka</b> Suite 32, Level 1, Gouna Centre, Elizabeth Street P O Box 757, Goroka, Eastern Highlands Province Ph: 532 1224 Fax: 532 1918 Email: nslgorokai@nambawansuper.com.pg	<b>Nambawan Super Alotau</b> Ground Level, Chescorp Building, Sec 21 Lot 10 P O Box 727, Alotau, Milne Bay Province Ph: 641 0671 Fax: 641 0587 Email: nslalotau@nambawansuper.com.pg	<b>Nambawan Super Buka</b> Suite 2, Level 1, Matanthei Building P O Box 19, Buka, Autonomous Region Bougainville Ph: 973 9801 Fax: 973 982 Email: nslbuka@nambawansuper.com.pg	<b>Nambawan Super Madang</b> Suite 14, Level 1, Beckslea Plaza, P O Box 142, Madang Madang Province Ph: 422 0244 Fax: 422 0255 Email: nslmadang@nambawansuper.com.pg	<b>Nambawan Super Kavieng</b> Ground Floor, Durima Building P O Box 567, Kavieng New Ireland Province Ph: 984 2611 Fax: 984 2612 Email: nslkavieng@nambawansuper.com.pg	<b>Nambawan Super Kimbe</b> Level 1, Hamamas Trading Building, P O Box 593, Kimbe West New Britain Ph: 983 5450 Fax: 983 5101 Email: nslkimbe@nambawansuper.com.pg
--	---	---	---	---	---	---	---	--	---



# Nogat senis long skul fi mak long neks yia

**OL SKUL** fi long olgeta level bilong ol skul neks yia bai nogat senis na bai stap wankain olsem long dispela yia.

Siaman bilong Nesenel Edukesen Bot na Edukesen Sekreteri, Dokta Joseph Pagelio, i tok Bot i wokim disisen bihainim wampela wok painimaut i soim ol hevi ol papamama i bungim long sot long mani bikos pe bilong ol samting i go antap na mani ol i kisim i no inap. Na hevi i bikipela moa long ol lain i stap long ol ruel eria bikos long planti hap, ol i no kisim ol gavman sevis. Tu, komyuniti i gat hevi, planti komitmen tumas na ol dispela i kamapim hevi long ol famili na seving na olsem, ol bungim hevi long peim skul fi long ol pikinini bilong ol.

Olsem na skul fi mak i go olsem long ol

Elementeri, Praimeri, Vokesenel, Sekonderi/NHS na FODE:

- K100 long wampela pikinini long Elementeri level, K2304 long Praimeri Gret 3-6 level, K230 long Praimeri Gret 7-8 level.

- K750 long sumatin i slip long ples na skul wokim Gret 7-8 long Sekonderi/Vokesenel level.

- K1,100.00 long ol sumatin i slip long skul long Sekonderi/Vokesenel level.

- K800.00 long ol Gret 11-12 sumatin i slip long ples na go skul tai mol boda o lain i slip long skul long Sekonderi/Vokesenel level i peim K1,300.00.

Skul fi mak bilong ol Praimeri Tisas Kolis na PNG Edukesen Institutut o PNGEI fi em Opis bilong Haia Edukesen (OHE) i makim long en.

- Ol Diploma long Tising (Praimeri) sumatin we HECAS i sponsaim i peim K1,257.00. K377.50 long ol lain i slip long ples na peim skul ol yet.

- Diploma long Vokesenel na Edukesen na Trening (DOVET) sumatin i slip long skul (Boda) na i peim skul fi em yet (Self Sponsa) em bai peim K4,500.00. Ol de sumatin bai peim K2,635.00. Ol dispela skul fi mak em OHE i makim.

Ol Teknikel na Bisenis Kolis sumatin bai peim ol skul fi mak olsem:

- Long sindaun long 22 wik Diploma Teknisen kos, skul fi em K2,180.00.

- Long 44 wik kos, skul fi mak em K4,600.00 we ol PETT/TTC Diploma kos ol self sponsa na HECAS sponsa

sumatin wantaim i peim.

- Long sindaun long 10-peala wik Bridging Kos, skul fie m K1,170.00.

- Long ol aprentis i go long skruim kos long 8-pela wik, fie m K1,050.00

- Long ol pat taim na spesel kos, ol i no tokaut long fi tasol hamas wok i stap insait long dispela kos bai makim mak bilong skul fi.

- Toksave tu olsem ol kolis bai sasim K300.00 etministretiv fi long ol 44 wik kos.

Edukesen sekreteri, Dokta Joseph Pagelio, i tok dispela ol skul fi mak we Nesenel Edukesen Bot (NRB) i sasim i bilong givim stia long ol Provinsel Edukesen atoriti na ol Edukesen Divisen bilong putim ol skul fi mak we ol papamama inap long peim na

long wankain taim, lukim olsem dispela manimak bai helpim skul i ron mekim wok inap long pinis bilong skul yia.

Dokta Pagelio i tok ol em i wok bilong ol papamama na ol gadien wantaim ol skul gavaning bodi, ol edukesen ejensi, provinsel na nesenel gavman long serim kos bilong edukesen bilong ol pikinini. Na em i tok ol papamama i mas sevim mani nau na kam stat bilong skul yia neks yia 2011, ol bai gat inap mani.

Em i tok moa olsem stat long dispela yia, skul i fri long ol elementeri skul level. Tasol sampela skul i wok long sasim skul fi yet na ol dispela skul i mas peim bek ol mani i go bek long ol papamama bipo 2010 skul yia i pinis.

## Telikom helpim...



**TELIKOM FAUNDESEN HELPIM SKUL:** Ol sumatin bilong Sen Michael's Praimeri skul long Hanuabada i karim ol bokis buk na amamas long ol donesen we Telikom Faundesen i givim long ol. *Poto: Telikom Midia*

# Favourite Noodle Ideas

Long 25 Yia Yumi Laikim Stret

## MAGGI® Magic Omelette (Serves 2) (Energy per serve = 1240kJ)

### Ingredients

- 1 small onion
- 2 small red tomatoes
- 1 pkt of MAGGI® Noodles
- 4 eggs
- 1 Tbsp cooking oil
- Extra fresh red tomatoes for garnish

### Method

1. Wash, clean and chop vegetables. Place in a bowl and set aside.
2. Put 450ml of water in a pot and bring to boil.
3. Crush the MAGGI® Noodles and add to pot. Do not add the tastemaker. Allow noodles to cook for 2 minutes.
4. Remove noodles and drain then add vegetables.
5. Add the tastemaker and stir to mix.
6. In a separate bowl, crack open the eggs and beat well.
7. Put oil into frying pan and heat.
8. Pour egg mixture into frying pan, spread to cover base and cook until eggs start to set.
9. Pour the vegetable mixture onto one side of the eggs, then lift the other half and fold over the vegetable mixture. Cook for a further 1 minute then remove from heat.
10. Serve onto a plate and garnish with fresh tomatoes or salad.



**HARIAP LONG KUKIM, GUTPELA LONG KAIKAI**

**Maggi**

®



# Ol bisop no wanbel long mobail fon pilai laki

OL KATOLIK Bisop bilong PNG na Solomon Ailan i singaut long ol pipel bilong PNG long noken pilaim mobail telepon "pokey" o laki long wanem, em bai bagarapim ol na famili bilong ol.

Dispela i bihainim tok orait i kamap long las wik namel long Nesenel Geming na Kontrol Bod (NGCB) na Dijisel we i givim pablik long PNG long go insait long mobail telepon gambling o pilai laki.

Asbisop Francesco Panfilo SDB em presiden bilong Katolik Bisop Konprens (CBC) bilong PNG na Solomon Ailan, i tok CBC i agensim tok olsem nupela Mobail fon loteri o pilai laki we NGCB i kontrolim na glasim bai mekim milionea o

maniman long olgeta man.

Asbisop Francesco i tok ol kantri olsem Australia na Nu Silan we pipel i gat planti samting na ol kantri bilong ol i go het moa i no save yusim Mobail pon long pilai laki bikos em i hat long kontrolim.

"Pilai laki long Mobail pon i opim dua long ol grasrut na turangu pipel long ol ples long tromoim mani bilong ol long pilai laki. Bai gat moa hevi insait long famili long wanem, ol famili memba bai tromoim liklik mani bilong ol long inapim driman i nogat gutpela kaikai long en. Bai ol famili i sot long mani bilong baim kaikai na ol narapela samting moa ol i laikim," Asbisop Francesco i tok.

Em i tok moa olsem i nogat rot

long stopim ol liklik pikinini long noken pilai. Na ol sumatin na ol liklik pikinini bai tromoim mani we ol papamama i givim ol long basfe na long baim lans long pilai mobail laki loto.

Asbisop Francesco i tok ripot i tok 10 pesen winmani bai go long sapatim na developim spot pilai na yut spot insait long ol komyuniti. Tasol asbisop i tok NGCB i no givim wanpela ripot long Palamen olsem i stap long Lo long dispela winmani na inap tude, yumi no save mani i save go we.

Em i tok bai yumi lukim moa pipel we i pilai mobail laki na i moabeta long ol pipel bilong dispela kantri long noken pilaim dispela mobail pon laki.



## Taipei- Taiwan

LONG Oktoba 23, 2010, balus Cebu Air Pacific i bin lusim Manila long 10.30pm na pundaun long Taipei, Taiwan Intanesenel ples balus long 12.45am, em i Sande moning.

Mi bin stap insait long dispela balus.

Mi no lukim kliia ples balus bikos ples i tudak yet.

Inap long sevenpela de mi bin stap long Taipei, Taiwan long bihainim miting bilong SVD Komyunikesen Kodineta bilong Esia na Pasifik i gat 16-pela i bin stap long dispela miting.

Wanpela samting mi laik serim wantaim yupela hia em i laip bilong pipel bilong Taiwan.

Long namba wan de mi stap long Taipei, mi pilim amamas stret. Olgeta hap yu go, i nogat pret, bikos i nogat raskol o spak manmeri o manmeri nogut i stap. De na nait yu ken wokabout fri. Mi save go raun long tren (Train). Olgeta 3 minit bai gat tren, olsem na manmeri i laik go long tren o narapela pablik trenspot, bikos olgeta samting i save kamap long taim stret.

Olgeta manmeri i save soim bikpela rispek long ol arapela. Taim ol i kalap insait o go ausait long tren, ol i save bihainim lain stret, i no brukim lain nabaut nabaut. Long stua o long wanem hap yu go, yu bai lukim wankain pasin. Olsem na i nogat trabel o krosipait i kamap.

Narapela samting mi laik serim wantaim yupela em long klinpela ples.

Mi no bin lukim wanpela rabis o pipia insait long PMV bus, tren o long rot. Mi no bin lukim grafiti long pablik ples o long rot olsem long PNG. Nogat tru.

Wanem hap yu go, olgeta samting i save klin tru. Em i wanpela samting i soim olsem olgeta manmeri i save wokim samting i stret (do the right thing). Ol i no wet inap long gavman o narapela man i tokim ol long wokim. Olgeta i save lukautim ples gut. Bikos ol pikinini i bin lainim planti gutpela samting long papa mama na bikpela manmeri insait long famili o komyuniti bilong ol.

Planti manmeri i save amamas na stap long Taiwan bikos i gat gutpela ples, gutpela manmeri na gutpela taim i save kamap na mekim manmeri is tap gut tasol.

Wanpela Pater bilong Australia i kam long dispela miting tu. Em i strori long mi olsem nambawan de em i stap long Taipei, em i bin go long wanpela supa maket. Taim em i wokabout i go insait long stua, em i bin pulim paus moni bilong em na i gat 5 Dollar Taiwan i pundaun long floa. Em i wokabout tasol na em i no save olsem moni i bin pundaun.

Taim em i kamap insait long stua, wanpela mangki krismas bilong em olsem 12 yia i ran long baksait bilong em na i singaut, masta...masta..masta...! Em i stop na lukluk bek. Em i ting wanpela konman i askim mani. Tasol taim em i lukim em, boi ya i opim han na givim 5 Dola long em na i tok..... "em i mani bilong yu, i pundaun ausait".

Taim Pater i kisim mani, em i pilim narakain stret. Em i lukim ai bilong boi na i tokim boi olsem: "Yu gutpela boi stret. Yu bin soim wanpela gutpela skul long mi. Mi pilim hat long painim dispela kain pasin taim mi stap wok long PNG. Olsem na Peter i kisim mani long han bilong boi, na bihain em i givim bek long boi na tok: "Bikos yu bin wokim gut na olsem mi laik soim tenkyu bilong mi long yu. Kisim dispela mani olsem tenkyu bilong mi na rispek bilong mi long gutpela pasin bilong yu".

Lukautim ples na mekim gut long ol arapela o soim rispek long narapela.....bai kamap long famili na komyuniti bilong yumi tu o nogat? Bilong wanem ol inap na yumi long PNG nogat?

# Bisop Paul Max kisim luksave

WANPELA Katolik bisop i kisim bikpela luksave olsem "Sif" bihain em i kisim luksave insait long wanpela seremoni wantaim ol narapela PNG manmeri long Gavman Haus wanpela wik i go pinis.


Bisop Paul Max bilong Kererema Katolik Daiosis long Galp provins i kisim "Gren Kompanien long Oda bilong Logohu (GCL) wantaim taitol "Sif". Gavvana Jenerel, Se Paulias Matane, i bin givim bisop long luksave bilong em insait long wanpela seremoni long Gavman Haus long Mosbi wantaim 130 narapela husat i bin kisim ol narapela level luksave long PNG Indipendens anivesari luksave bilong 2010.

Bisop Paul i bin kisim luksave long gutpela wok na kontribusen bilong em long Katolik Sios long

PNG na pipel bilong Kerema long wok em i mekim long hap na PNG long moas long 45 yia. Bisop Paul i bilong Misionaris bilong Sekret Hat kongrikesen na em i wok olsem bisop long Kerema Daiosis long 25 yia.

Mama i karim Bisop Max long Mutzig long kantri Frans (France) long yia 1935. Em bin kisim blesing long kamap pater long Jun 1963. Na long Disemba 1985, em bin kamap olsem bisop bilong Kerema Daiosis.

KISIM LUKSAVE NAMBA: Bisop Paul Max Poto: Katolik Bisops Konprens opis



# Ol i planim biknem TV evanjelis Pasto Kingal tude

BIKNEM Evanjelis pasto, Joseph Kingal em ol i planim em tude long asples bilong em long Westen Hailans.

Pasto Kingal i bin dai long Zumim Bris ausait long Lae, Morobe provins tupela wik i go pinis taim kar em i draivim i gat famili bilong em insait i taim na kapsait long bris.

Meri bilong em Susan, i bin kisim bikpela bagarap taim ol pikinini i kisim ol liklik bagarap na ol bin stap long Angau Memoriel Haus sik long Lae, Morobe. Tasol ol i orait nau na ol i kamaut pinis long haus sik.

Pasto Kingal na famili i lusim

Madang we ol bin go long wanpela sios bung na ol i wok long go long Lae taim birua bilong Kar i kisim laip bilong dispela bikman evanjelis husat i namba wan man long PNG i yusim televisen long karimaut Kingal Sios Ministri bilong em. Em i karim ministri bilong em ovasisi tu olsem long Amerika, Rasia, Holilen na sampela narapela hap moa.

Planti pipel long kantri na ol kongrikesen memba tu i sori nogut tru long lukim dispela yangpela na strongpela sios pasto i lusim laip bilong em.

Taim ol i karim bodi bilong em in kam long Mosbi long dispela wik Mande, planti Kristen manmeri i bin go kamap long Jackson's ples balus long lukim na kisim bodi bilong gem. Long dispela wik Tunde, ol i wokim funerel sevis bilong Pasto Kingal long Asemblis ov God Konaston sios long Godons, Pot Mosbi. Ol i karim bodi bilong em i go long Hagen na planim long asples bilong em tude.

Planti bikman i wokim ol toktok long ol gutpela wok em ministri bilong em i mekim long givim gutpela stia i go long pipel.



## Raun lukim ol meri na pikinini



**TAIM BILONG GREDUENSEN:** Wanpela yangpela meri PNG, Cathy Bolinga, na tupela poromeri wanskul bilong em i greduet long Oklen Yunivesiti long Nu Silan.



**REDIM KAIKAI:** Ol mama ya i no isi long redim ol kaikai bilong wanpela bung kaikai bilong ol.



**KUPIANO MAKET, RIGO:** Smuk pis i pulap kapsait long Kupiano maket we ol mama i salim i stap.

# Stet Sekreteri bilong Amerika kam raun long PNG

**KANTRI long dispela wik i amamas tru long wokabaut bilong meri i gat bikpela pawa long wol long wanem, em i kam long namba wan kantri long wol.**

Hilary Rodham Clinton i gat 64 krismas em i Sekreteri bilong Stet long Amerika (Yunaitet Stets bilong Amerika) i bin kam kamap long wanpela de tasol, aste, long PNG olsem hap long wokabaut bilong em i kam olsem long Pasifik, Esia, Australia, Nu Silan na ol kantri long dispela hap sait bilong wol.

Misis Clinton i meri bilong pas-taim presiden bilong Amerika, Bill Clinton.

Tasol em i wanpela strongpela na save meri loya we i kisim dispela wok em i holim nau long strong, gtupela wok na save bilong em yet. Long Janueri 2009, em i bin statim wok olsem namba 67 Sekreteri bilong Stet long Amerika.

Mama i karim Misis Clinton long Sikago (Chicago) Ilinoi (Illinois) long Amerika.

Em bin go long ol pablik skul long Ilinoi bipo em i go long Wellesley Kolis long wokim lo skul na Yale Lo skul we em bin bungim Bill Clinton long 1974 na tupela i marit.

Em bin kamap wanpela gutpela loya tasol long wankain taim, em i lukautim wanpela pikinini tasol bilong ol, Chelsea, husat i bin marit long dispela yia.

Em bin Asisten profesia long Akansas Yunivesiti Lo skul na bi-hain em i strongim ol lokol ligel sistem, Presiden Jimmy Carter long yia 1977 i bin makim em olsem wanpela bot memba bilong Ligel Sevis Koporesen em bin kamap siameri long en.

Taim em i Fes Ledi long Akansas



**HILARY CLINTON:** Save meri i sapatim gutpela helt na stap bilong ol meri, pikinini, ol lapun na humen rait bilong ol meri na olgeta narapela. *Poto: Embasi bilong Amerika*

Stet long 12-pela yia, em bin siameri bilong Aklansas Edukesen Stensets Komitei, ko faunda bilong Akansas Edvoket bilong ol Pikinini na Famili na em bin stap long bot bilong Haus sik bilong ol Pikinini na Difens Fan bilong ol Pikinini.

Taim Mista Clinton i bin kamap presiden bilong Amerika long 1992, em bin go pas long helt kea rifom na wok long ol planti samting i sut long ol famili na pikinini.

Em bin raun long moa long 80 kantri i makim Amerika na kisim luksave olsem sempion bilong humen rait, demokresi na sivil so-saiti.

Toktok bilong em long Beijing, Saina long 1995 we em bin tok "Humen rait em i rait bilong ol meri" i bin givim gutpela tingting bilong ol meri long wol na helpim long strongim sapat long humen rait bilong ol meri.

Wantaim Sekreteri Stet-Madeline K Albright, Misis Clinton i bin wok strong na lonsim "Vital Voice Democracy" nau i wanpela non Gavman Ogenaisesen i givim trening long ol meri lida bilong olgeta hap long wol. Long 2000, Hilary i bin wokim histri olsem Fes Ledi we ol i votim em i go long Senet o gavman bilong Amerika na tu, namba wan meri we Nu Yok Stet i bin givim bikpela sapat long givim vot long en.

Long Senet, em bin stap long planti komiti i lukautim ami, edukesen, helt, leba, pensen, envaironmen na pablik woks, baset, selek komiti long ol lapun. Em bin komisina bilong sekyuriti na koporesen long Yurop.

Long 2006, em bin winim ileksen long Senet na long 2007 em bin statim bikpela kempein bilong resis long presiden na long 2008, em bin wokim kempein long sapatim nau presiden Barack Obama na Joe Biden.

Na long Novemba 2009, Presiden Obama i bin makim em long kamap Sekreteri bilong Stet.

Misis Clinton i raitim kamap tupela buk planti lain i laikim. Em long "Living History" na buk bilong ol pikinini, It Takes a Village". Em na man bilong em i save stap long Nu Yok (New York).

Long liklik taim stap bilong em long Pot Mosbi, Misis Clinton i bin lukim Praim Minista na Gren Sif, Se Michael Somare, Gavana Jenerel Se Paulias Matane na ol meri grup.

## Resis bai givim sans long PNG i soim kalsa ...Mekim wok redi

### Veronica Hatutasi i raitim

**BIKPELA samting we Mis PNG Ret Kros 2010, Rachael Sapery James, i laikim em long kamap olsem "role model" o gutpela piksa long ol narapela yangpela meri long PNG na Pasifik na tu, makim maus bilong ol meri long ol bikpela samting olsem helt, meri na busgraun.**

Mis James i tok olsem taim em i toktok long ol wok redi em i wokim long Mis Saut Pasifik Pejen o Kwin resis bai kamap namba wan taim long Mosbi, PNG, long tupela wik i kam.

Mis James i tok em i amamas long makim PNG na ntu, olsem dispela resis bai kamap long

wanpela Melanisen kantri olsem PNG bikos long ol narapela yia, ol i save holim long ol Polinesia kantri tasol.

Na so i kamap long PNG bai soim PNG na ol kain kalsa na ol samting em i wokim long ol narapela Pasifik kantri na wol.

"Gutpela sans nau long PNG i soim aut long ol narapela Pasifik kantri na wol ol kain kalsa na at yumi gat long en, ol wok developmen na wanem samting kantri bilong yumi i ken ofaim.

Bikos kantri bilong yumi i gat ol kain kain kalsa na bilas, mi bi-hainim het tok long 4-pela rijen na Kumul pisin.

Olsem na bai mi traim long

yusim ol samting i makim ol wan-wan bilong 4-pela rijen PNG I brul long en".

Mi hop tu long lainim long ol narapela meri i makim ol Pasifik kantri na senisim ol tingting wantaim ol. Yumi no inap long lokim yumi yet, nogat.

Yumi mas save long ol samting i kamap long ausait wol, rijen, klaimet senis na ol narapela bikpela samting.

Mi bilip olsem bai mi makim ol meri PNG na mi laik strongim ol narapela yangpela meri long bi-hainim na inapim ol driman ol i gat long en long sait bilong spot pilai, sios, sivil sosaiti na olgeta eria," Mis James i tok.





**TOK PISIN NEWS**  
from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

## Indonesia nau i kisim helpim long stretim pipel

INDONESIA i statim wok bilong en nau long traim kisim helpim olsem em i ken helpim ol pipel i stap longwe bihain long ol bagarap ol i bin bungim long sunami bilong las wik. Namba bilong pipel i dai long dispela sunami las wik long Mentawai Ailan i bin sanap long 435, wantaim narapela 110 ol i tok i lus yet o i mas dai pinis, na samting olsem 15 tausen ol pipel nau i nogat haus long stap.

Ol taim nogut i bin pasim ol wok bilong bringim helpim i go long ol pipel, tasol ol opisal i bin tok ol samting i bin moa gutpela tude na ol helikopta balus nau i stat wok long bringim ol kaikai na ol arapela samting pipel i nidim.

## Gillard i holim toktok wantaim ol lida bilong Vietnam

PRAIM Minista bilong Australia, Julia Gillard, i bin miting wantaim ol lida bilong Vietnam long las de bilong em long Hanoi.

Niusmeri Luise Yaxley i ripot, Mis Gillard i bin toktok wantaim Jeneral Sekreteri bilong Komunis pati long hetk-wata bilong Komunis pati na miting bilong em wantaim Praim Minista na Presiden long ples bilong King o Presidensial Pales.

Ol i bin toktok long gutpela wokbung long ekonomi namel long tupela kantri.

Pastaim long miting Mis Gillard i no bin laik tok klia long wanem samting em bai toktok long ol lida bilong Vietnam long ol hevi bilong Humen Raits.

Na olsem, Amerika Sekreteri bilong Stet, Hillary Clinton i bin autim ol strongpela ol tingting bilong en i go long Vietnam, bikpela long en long pasin Vietnam i save mekim long arestim nating pipel em ol i laik autim wari bilong ol agensim pasin bilong gavman.

Mis Gillard i bin toktok long bikpela samting long pipel i wokbung wantaim olsem edukesen na tude long san i bin mekim lukluk bilong en i go long Hanoi Kempus bilong Royal Melbon Institut bilong Teknoloji long hap.

## Australia foren Minista i wari long Burma ileksen

FOREN Minista bilong Australia, Kevin Rudd, i bin tok em i gat bikpela wari long jeneral ileksen bilong Burma em bai kamap klostu bai ron long stretpela we o nogat.

Namba wan ileksen bilong kantri insait long 20 yia bai kamap long Sande bihain.

Mista Rudd i bin tok military gavman i lukautim Burma nau i bin stopim sampela long ol politikal pati long resis long ileksen na tu, i putim tambu long ol autsait lain i go was long dispela ileksen.

Em i tok ol strongpela tambu nau agensim Burma bai stap yet long mekim ami gavman long tingting gut na tu, mekim ol i traim stretim hevi bilong ol humen rait.

## Obama i givim bikpela tok tenkyu long Saudi Arabia

PRESIDEN bilong Amerika, Barack Obama, i bin givim bikpela tok tenkyu long ol atoriti bilong Saudi Arabia long samting em i kolim 'critical role' ol i bin mekim long painimaut wanpela leta bom.

Mista Obama i bin givim tok tenkyu insait long wanpela toktok long telefon em i bin mekim i go long King Abdullah bilong Saudi Arabia.

Ol atoriti bilong Yemen i bin arestim wanpela meri em ol i tingting nogut long en long salim tupela liklik kago

bom, em ol atoriti i bin stopim long ples balus long Ingran na Dubai.

Tupela hap kago ya, ol i bin adresim i go long Juwis senta long Sikago (Chicago).

Sekreteri bilong Amerika Homlen Sekyuriti, Janet Napolitano, i bin tok dispela wok i bin soim tru long bikpela samting long serim infomesen wantaim ol pren kantri.

## Australia Greens pati i tok palimen i mas gat loa long ol pikinini

GREENS Pati bilong Australia i bin tok em i stretpela pasin long palamen i mas kamapim loa bilong stopim ol pikinini noken stap insait long imigresen ditensen senta.

Long dispela taim, Imigresen Minista i

mekim tingting sapos ol pikinini bai stap long ditensen senta o nogat.

Mausmeri bilong Greens pati, Sarah Hanson Young, i askim strong turpela bikpela pati bilong Australia na sapatim Greens long kamapim nupela loa.

Pati lida bilong Greens, Bob Brown, i bin tok tupela bikpela pati i tok orait pinis olsem ol pikinini i mas stap ausait long komyuniti taim gavman i lukluk na stretim asailum askim bilong ol.



## PABLIK NOTIS

### KONTROL BILONG KAR NA PIPOL LONG PELES BALUS

Bikos long bikpela namba bilong ol manmeri bai yusim balus long flai i go kam long ol ples bilong ol long Krismas na Niu Yia Sisen, olgeta ples-balus bai i pulap tru long ol kar we i bringim ol manmeri i go long ples balus long lusim ol wantok na femili long ples-balus na tu long tok gutbai long ol femili na wantok bilong ol. Long kontrolim ol bikpela namba bilong ol manmeri long ples balus na tu long mekim olsem ples i stap orait na klin long Pot Mosbi Intanesenel Ples Balus, National Airports Corporation bai i putim sampela moa wokman meri long helpim long menesim na kontrolim ol kar na ol pipol i go na stap long ples balus. Dispela bai kamap long Domestik na tu long Intanesenel Teminal na ol eria fran long en. Dispela bai kamap wantaim:

- i) Strongpela lo long kontrolim na lukim tupela-minit tasol long stopim kar na lusim na kisim ol lain long ples arere long terminal;
- ii) tambu long ol lain husat i no inap flai long balus i go insait long haus bilong kisim balus; na
- iii) wok klostu wantaim balus kampani long stretim ol lain husat i laik flai long balus na tiket bilong ol bai i ken redi gut na bihainim taim stret long kalap long balus.

Sampela moa wok bai kamap tu long mekim ples i stap gut na klin long ples-balus na na toksave i go long ol manmeri olsem:

- iv) lo bilong "Tambu long Kaikai Buai" long eria long ples balus bai stap
- v) lo bilong rausim ol lain husat bai no inap kalap long balus na ol lain i slip nabaut na raun nating long ples-balus eria.

Rausim ol pipel husat i mekim nois na ol kain kain pasin nogut insait long eria bilong kisim balus na tu long fran bilong kisim balus.

Ol narapela rijinel ples-balus insait long kantri bai kamapim wan kain lo na NAC i laikim ol manmeri i luksave long ol dispela lo na sapatim na helpim long luksave long dispela na bihainim ol lo long mekim wok i kamap gut na tu noken kamapim hevi long ol ples balus.

**"Yumi olgeta mas wok bung wantaim long kamapim gutpela na klinpela ples bilong yumi na ol lain bilong ron long balus"**

Tok-orait i kam long :

**MANUAI KAMETAN**  
Ekting Menesing Dairekta  
National Airports Corporation





# Man yusim mani long grisim meri

PLANTI bisnis lain na mani lain save mekim kinkain stail na pasin long ol meri bikos ol ken givim mani long ol meri na pasim maus bilong ol.

Ol save olsem ol meri painim mani tu ya.

Sapos Kot i ken painim wanpela man i asua long bagarapim meri (reip) o grisim ol meri wantaim mani na paolim ol bai yumi ken tok olsem dispela kain pasin em stap insait long komyniti na kantri bilong yumi.

Wanpela memba bilong Palamen bin go long kot bikos em pulim meri bilong narapela man.

Meri ya lusim man na ol pikinini bilong em na maritim pinis dispela memba na gat pikinini nau long em. Dispela bin kamap long kot bikos man bilong meri ya bin kotim memba ya wantaim meri bilong em. Olsem na yumi ken tok olsem bikos memba ya em bikman wantaim planti mani, turangu meri ya wantaim planti mani, hangamap tasol na pawa bilong memba ya pulim em



kam pas long em.

Wanpela yangpela meri long Hailans bin tokaut olsem em no inap pinisim gut skul bilong em bikos em gat bel long wanpela memba bilong Palamen. Em wari nogut tru bikos olgeta samting em driman long kamapim bihain taim i no inap kamap nau. Yu save, bikman ya em memba ya. Em gat planti mani na em laikim planti meri ya. Olsem na poket bilong em bai pulap long mani olgeta taim long grisim ol meri ya.

Insait long Papua Niugini nau, planti marit i bruk pinis bikos ol meri lusim man bilong ol na go maritim narapela man. Ol man tu lusim ol meri pikinini bilong ol na go maritim ol nupela yangpela meri.

Ating wanpela bikpela hangamap tasol na pawa ya gat planti mani. Em bai

lukautim mi gut.

Ol man tu ting olsem, lusim olupela meri bikos pasin bilong em no senis. Kros kros nating nating, bos bos long olgeta samting, no save long lukautim gut mani o em bun slek pinis na lapun pinis. Em no inap stretim gut wari na laik bilong mi sapos mi askim em long kam slip klostu long mi. Ol man save gat sampela kain eskius olsem long maritim nupela meri.

Tasol ating em no as tru. Bikos ol man yet save laik raun dring bia na pati long ol pati hap na ol bungim ol yangpela meri. Kinkain mauswara kapsait long wan botol tasol na em nau, ol statim pasin poroman nau. Mobail telepon bai ring klostu klostu long apinun taim wok pinis na long wiken taim.

Planti famili laip i bagarap pinis na planti pikinini no kisim gutpela skul bikos ol nogat strongpela famili long lukautim na strongim ol gut. Ol go skul tasol tingting bilong ol

no stap stret bikos ol gat sampela hevi na wari insait long bel na tingting bilong ol.

Pasin bilong ol man long rispek long ol meri no stap moa. Ol ting meri ya em kam gut ya na ol laik tromoi huk long em.

Pasin bilong soim rispek long ol meri em wanpela bikpela samting ol man mas stat long soim bikos em wanpela rot tasol bilong daunim ol kinkain hevi we i wok long bagarapim na brukim planti famili laip tude long kantri bilong yumi.

Tingim, 10-pela Lo tok, yu noken mekim pasin pamuk.

Yu no mekim pasin pamuk tasol long slip wantaim narapela man o meri bilong narapela man.

Yu mekim pasin pamuk pinis taim yu lukim meri na ai bilong yu mangalim em na belbilong yu seksek stret long em.

Em yu mekim pamuk pinis.

Em bikpela sin long ai bilong God.

## WANTOK KOMENTRI

### Busgraun i gat mining long gavman, o nogat?

BUSGRAUN, em yumi olgeta wanwan manmeri i save em i wanem samting.

Long ol lain manmeri long ples, em i olsem bokis ais, stua, na bokis kaikai bilong ol.

Sapos ol lain bilong yumi long nambis i laikim pis bilong kaikai, ol i save olsem solwara i stap. Sapos ol lain bilong yumi long bus i laikim mit bilong poromanim gaden kaikai bilong ol, ol i save olsem welabus i stap long bus.

Tasol olsem wanem sapos yumi rausim ol dispela ples bilong ol lain pipel bilong yumi long painim kaikai, mekim haus, na planim kaikai bilong tumora?

Bai ol i go we gen long painim kaikai?

Planti ol memba bilong yumi i save guria long lukim pes bilong mani, na ol i save lus tingting long go bek long ples na sekim sindaun bilong ol pipel.

Tude, i gat planti kain arapela hevi tu i wok long sotim busgraun bilong yumi.

Bikpela laik bilong rausim gris i stap insait long graun i wok lukim ol kain kain man i tok ol i papa bilong graun bilong narapela.

As bilong mekim dispela kain paul pasin i sut long laik bilong mani long ol risos bilong graun.

Olsem wanem tru long ol lain minista na lida long gavman?

Taim ol i lukim pes bilong mani i kamap ples klia long ol bikpela projek ol ausait kampani i laik kirapim long busgraun na ples bilong ol, wantu tasol bai ol i sainim pepa, na tok, 'noken askim long kompensesen'.

Tasol olsem wanem long lain famili i sindaun long graun bilong ol tumbuna bilong ol?

Sapos ol i no inap painim pis long ples klostu olsem bipo, husat bai soim ol long ples bilong pulim pis, taim ol pis o ronawe long ol kain kain pipia i wok go insait long solwara?

Luksave long dispela samting busgraun na wara, em i no liklik samting nating bilong pilai pilai long en.

Nogat.

Busgraun na solwara em ol samting we i stap tru long as bilong ol manmeri bilong yumi long ples.

Sapos ol i nogat busgraun na solwara bilong strongim ol, bai ol i lus, wantaim olgeta save bilong ol tumbuna, ol i karim wantaim ol.

Gavman i noken tingting tumas long kisim mani long ol risos yumi gat. Namba wan bikpela risos bilong yumi, em ol pipel, na save bilong busgraun na solwara bilong ol.

## WANTOK

Published Weekly, Thursday, for Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
Elizabeth Konga

Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Ol siaman bilong ILG group na ol investa bilong Malaysia holim han na wanbel long oil pam projek.



Ol ILG siaman na investa lain bilong Prosper Grup ov Kampani holim han long soim olsem ol i wanbel long agrimen. Ol potos: James Kila

# Bewani pipel na Malaysia investa sainim agrimen long oil pam projek

....bikpela histori long PNG agro-forestri divelopmen

JAMES KILA | raitim

**P**LANTI tausen manmeri bilong Bewani na ol narapela ples klostu na tu sampela bilong Vanimo taun I bin ron long kar I go bung long Wara Mei kem klostu long Bewani long Fonde, Oktoba 28, 2010 long amamasim bikpela histori agro-forestri projek

Dispela seremoni i lukim ol papagraun bilong Bewani i sainim agrimen wantaim investa bilong Malaysia, Prosper Grup ov Kampani long divelopim moa long 140,00 hekta eria long kamapim wanpela bikpela oil pam plentesin tru insait long Sandaun provins. Dispela projek em wanpela singel bikpela oil pam projek long Papua Niugini.

Projek ya i bin kamap bihainim long hatwok na planti toktok na gutpela tingting bilong Memba bilong Vanimo-Green na Lida bilong Pipol's Pati, Belden Namah.

Seremoni we i lukim ol lain siaman bilong ol 4-pela intagreted len grup (ILG) i sainim agrimen wantaim ol lain investa bilong Prosper Grup ov Kampani bilong Malaysia i mekim rot long projek bai i stat.

Dispela oil pam plentesin divelopmen na agro-forestri projek em ol lain pipel bilong Bewani bai wok insait long en we bai i lukim ol bai planim ol nupela oil pam diwai na bihain long sampela yia olbai

salim i go ovasis ol fres frut bans (FEB), agro forestri na ol narapela wok bisnis.

Mista Namah, husat em wanpela strongpela lida long sait long luk-save long helpim ol liklik manmeri long rurel eria long ples bilong em long Sandaun provins.

Dispela seremoni long las wik Fonde I lukim ol manmeri I bung na harim planti ol gutpela toktok

em ol lida olsem Mista Namah, foma deputi praim minista na Memba bilong Abau, Sir Puka Temu na tu Memba bilong Anglimp Saut Waghi, Jamie Maxtone Graham i toktok long dispela gutpela divelopmen tru we i kamap long helpim ol pipel bilong Bewani.

Mista Namah i tokaut olsem dispela projek em namba wan projek

tru long Papua Niugini we bai lukim ol papagraun bai i kisim moa helpim tru.

Em I tokaut tu olsem nogat wanpela kampani long PNG il bin sainim kain agrimen olsem we i lukim investa bai wokim moa long 1,500 haus bilong ol rurel manmeri long slip long en.

Em i tok amamas long investa kampani, Prosper Grup ov Kampa-

nis long tok orait long wok long dispela bikpela oil pam projek long Bewani na tu long wanem bikpela samting I stap insait long agrimen we bai helpim tru ol rurel pipel bilong ples long ol sevises olsem wokim nupela haus, wokim rot na bris, skul, eid pos na tu ol narapela ikononik na sosel sevises.

Mista Namah i tokim ol pipel bilong em long Bewani long las wik Fonde olsem insait long dispela projek, ol papagraun bai kisim 15% fri kerri sea. Dispela 15% sia bai go long 4-pela lendona kampani em long Palms 21 Limited, Bulaulai Limited, Ossima Yalamkai Limited na Momu Holdings Limited.

Ol wan wan kampani bilong papagraun bai kisim K250,000 long helpim ol long kirapim wok operesin bilong ol.


Em i tokaut tu olsem wan wan long ol dispela 124 intagreted len grup (ILG) bai kisim K50,000. Namba wan K20,000 em bai ol I kisim bihain tasol long ol i sainim agrimen.

Ol memba bilong Palamen, husat i bin go long dispela seremoni long lukim ol lain papagraun na investa I sainim agrimen i guria tru long kain samting olsem i kamap na ol i givim bikpela tok amamas stret long Mista Namah long painim kain gutpela investa long go long Bewani long helpim ol rurel pipel long bringim divelopmen.



Bewani pipel amamas long soim kalsa bilong ol long seremoni las Fonde. Poto:James Kila







# Prosper Grup bai wokim, 1,500 haus bilong lokal pipel wantaim rot, bris na haus sik

JAMES KILA | raitim

**P**ROSPER Grup ov Kampanis em nem bilong investa o kampani husat bai kamapim bikpela wok long agro-forestri developmen long Bewani long Sandaun provins.

Jeneral Menesa bilong Prosper Grup ov Kampanis bilong Malaysia, Kelvin Tan, i tok olsem dispela oil pam projek bai kamapim gutpela sindaun na developmen long Bewani eria.

Em i tokaut olsem Prosper Grup ov Kampani i gat moa long 30 yia ekprians long planim o groim oil pam. Ol i gat 32 oil pam plentensin we i gat kain kain sais bilong ol i stap insait long Malaysia. Kampani ya tu i gat 7-pela oil mil na i no long taim i go pinis ol i wokim wanpela baio-disel rifaineri.

"Mipela i gat ol saveman na tu mipela i gat gutpela tingting long mekim Bewani Oil Pam Projek i kamap gutpela tru na olgeta lain i ken amamas long en," Mista Tan i tok.

Taim olgeta wok long kamapim Bewani oil pam projek i pinis, em bai wanpela singel bikpela oil pam projek tru insait long Papua Niugini na tu em bai soim gutpela piksa tru o stap olsem wanpela model plentesin long ol narapela long lukim na bihainim wok em i mekim.

Hai Komisina bilong Malaysia i kam long PNG, Datin Blanche Olbey, husat i bin stap long dispela seremoni long Wara Mei long Bewani eria long las wik Fonde i givim tok amamas bilong em i go long ol pipel bilong Bewani long tok orait long investa bilong Malaysia long kam long PNG long wok wantaim ol.

Em i tok amamas long Membra bilong Vanimo-Green, Belden Namah long strongim ol wok bung na toktok long bringim investa Prosper Grup ov Kampani long kam insait long kantri.

Hai Komisina, Datin Blanche Olbey, i tokim ol manmeri bilong Bewani olsem Gavman bilong Malaysia bai givim olgeta sapot i go long dispela bikpela projek wankain olsem ol i givim sapot i go long wankain projek long Solomon Ailans.

Bewani Oil Pam Plentesins Limited bai wokim moa long 1,500 haus kapa bilong ol rurel familii long Bewani taim projek i statim wok bilong en.

Jeneral Menesa bilong Prosper Grup ov Kampanis, Kevin Tan i bin tokaut long dispela long las wik Fonde long taim bilong sainim agrimen bilong bikpela Bewani oil pam projek long Sandaun provins.


Mista Tan i tok olsem dispela projek long Bewani eria bai bringim moa mani, gutpela sindaun na kamapim moa wok bilong ol rurel pipel insait long provins.

Dispela em histori stret insait long agro-forestri developmen insait long Papua Niugini bihain long 35-yia kantri i kisim independens. Na em namba wan tru.

"Mi laikim yupela ol pipel long wok klostu wantaim mipela na lainim gut wok bikos dispela em namba wan projek yupela bai wok long en na mi laik lukim olsem moa gutpela senis i mas kamap long laip bilong yupela long ples," Mista Tan i tok.

"Mipela bai givim trening long ol wok manmeri bai wokim insait long projek," Em i tok.

Mista Tan i tokaut tu olsem kampani bilong



Ol siaman i sainim agrimen bilong oil pam projek Prosper Grup bai wokim, 1,500 haus bilong lokal pipel wantaim rot, bris na haus sik.



Ol tumbuna singsing amamasim de long Bewani. Potos James Kila

em bai wokim ol infrastraksa developmen olsem rot na bris, ol eid pos na klinika na tu haus wik long eria. Moa long en tu em bai kamapim hausung skim bilong ol papagraun.

"Kwaliti bilong laip bilong ol manmeri na tu stendet bilong laip bai kamap gut tru bihain long ol wok long ikonomi i kamap insait long dispela projek," Mista Tan i tok.

"Mipela i amamas tru long stap insait long dispela projek wok na mipela i kam long hia wantaim olgeta sapot bilong gavman polisi long sait bilong agro-forestri developmen," Mista Tan i tok.



# Kol win bilong Bewani na waitpela wesana bilong Yako

.....ol nius man pilim stret long Sandaun

**JAMES KILA i raitim**

**“KOL win i ron long Bewani yakai papa ya, san i kamap na i go daun....” Dispela song bilong Willie Sebas na Sagothorns i pairap taim ol niusman bilong Mosbi i singsing na ron long wangepela 15-sita bas bihainim Vanimo- Bewani haiwe long las wik Fonde.**

Yes, song ya i gat mining tru taim mipela i ron bihainim rot i go long Bewani insait long bus na maunten na lukluk i go olsem long PNG-Indonesia Boda na tu harim ol naispela pisin na binatang bilong bus i singsing taim kol win i blo.

Ol nius man bilong Mosbi wantaim wangepela nius meri bilong FM 100, Dorah Gawi i bin go long Vanimo na bihain go olgeta long Bewani long kisim ripot long wangepela bikpela seremoni we ol lain papagraun i sainim wantaim wangepela investa o kampani bilong Malaysia ol i kolim Prosper Grup ov Kampanis long kamapim moa long 140,000 hekta oil pam plentesin.

Dispela wokabout bilong mipela i go long Vanimo em nupela long planti ol lain insait long grup, na planti long mipela i amamas tru long go lukim nupela ples. Na Vanimo boda taun na naispela ol nambis na solwara i bruk na ol lain turis na ol sefa i save swim wantaim sef i mekim ples i nais na

Taim balus i go pundaun long Vanimo ples balus, wangepela singsing grup bilong Bewani i sambai i stap na taim ol bikman bilong palamen i go daun, kundu i pairap na ol lain singsing grup i mekim save long samsam na

Tru tumas ples balus long Vanimo i pulap tru long dispela taim bikos narapela bung bilong lain bilong Komyuniti Dipatmen i bin holim bung bilong ol long hap. Dispela i mekim na olgeta hotel na gest haus insait long Vanimo taun i pulap tru na mipela i no gat sans long stap long taun. Tasol wangepela gutpela brata i stretim tok na mipela i kalap gen long kar na mipela i ron i go long Yako viles. Dispela ples i stap sampela kilomita autsait long Vanimo taun bihainim rot i go olsem long PNG-Indonesia boda.

Taim mipela i kamap long Tayuli bangalos long Yako, mi wantaim narapela nius man Robert Palme, Jimba Apisah

na Jeffery Elapa i no wet. Mipela i putim beg tasol long rum ol i givim mipela na mipela i wokabout bihainim rot long Yako i go long narapela ples klostu. Naispela solwara i bruk long waitpela wesana na kol win bilong solwara i kam gut tru, tasol mipela i pilim olsem ples i hot yet, ating bikos em i stap klostu long Equator (Ikweita).

Mipela i bungim planti ol sumatin i pinis skul na raun i go long gaden na wokabout i go bek long ples. Ol i stori long mipela long planti stori bilong ol ovasis turis husat i save go waswas na sef long solwara. Sefing em wangepela spot we ol yangpela long ol viles long Vanimo olsem Lido.

Long neks yia wangepela intanesenel wol sefing sempionsip bai kamap long Lido em klostu tasol long Yako, ples we mipela i stap long en. Ol lain long hap i tokim mipela tu olsem dispela bangalo mipela i stap long en e mating bai sampela sefa i stap long en na go pilai.

Vanimo-Bewani rot Long Fonde moning mipela i lusim Tayuli bangalos na kisim bas i go long Vanimo taun long kisim toktok bilong ol lain husat i redim wokabout i go olsem long Bewani. Tru tumas, mipela i wet longpela taim tru long taun na sampela bilong mipela i skin les tru bikos san i hot stret.

Taim mipela i stap long hap wet, mipela i harim ol bos-kru na draiva bilong ol bas i wok long singaut olsem “Batas, Batas”. Yes, ol dispela bas i redi long go olsem long boda long maket na bisnis senta we planti ol lain long PNG i save go na baim ol samting long liklik prais tru.

Sampela bilong mipela i skin kirap stret long go olsem long Batas, tasol nogat taim. Na tu mipela i no kam long raun olsem. Mipela i go long kisim ripot na mekim wok bilong mipela stret.

Dispela rot long Vanimo i go long Bewani em longpela rot tru. Tasol gutpela bus na maunten i mekim ples i luk nais tru.

Wangepela lokal man mipela i go wantaim i stori olsem planti ol bikpela bus klostu long Vanimo em bikpela timba kampani katim ol diwai na nau yet nupela bus i wok long gro.

Mipela kamap long Wara Mei kem long samting olsem 1-kilok taim progrem i stat

pinis na tru tumas ol singsing grup i no isi long mekim save long samsam fran long ol bikman bilong PNG na Malaysia.

Tayuli (San i go daun) Bangalos

Bihain long mipela i kambek gen long Vanimo bas i bringim mipela i go bek long Tayuli bangalos mipela i stap long en. Long dispela taim mi lukim olgeta lain nius lain I tait stret na skin tu I pen long longpela ron long bas. Olsem na taim mipela I kamap long Yako mipela olgeta i go senis na putim ol sotpela trausis na mipela olgeta i go daun na swim na waswas long solwara. Mipela I waswas longpela taim stret na pilai long wesana na solwara na amamas na skin pen long bodi I ronawe.

Dispela nambis mipela i waswas long en long Yako em mipela i ken lukluk i go long poin long Lido viles we ol ovasis sefa o lain husat i save pilai sefing em spot we ol i save resis wantaim bikpela solwara i solap na bruk na surik i go olsem long nambis.

Mipela olgeta i waswas gut tru na bihain narapela niusman Mista Palme i karim wangepela katen bia i kam na tru tumas taim mipela i kisim wan wan waitpela ken mipela i kisim naispela filings stret. Yes, sampela long mipela i eking stret olsem ol turis o. Bloop, nogat ya, mipela ol lokal lain tasol i laik filim kain sindaun na stail ol turis i save filim.

Long samting olsem 8-kilok nait mipela i kalap gen long bas na mipela i go bek gen long Vanim na kisim kaikai na bihain long kaikai mipela i gobek gen long Tayuli Bangalos.

Long hap, mipela i tait na sampela i go slip insait long bangalos, tasolmi wantaim narapela papa ya na niusman Sam Vulum i karim pilo na go slip autsait long bet aninit long ‘kalapulin’ diwai arere long waitpela wesana long Yako. Naispela win bilong solwara I kam na mipela I slip indai stret.

Pisin i singaut long 5-kilok na mi kirap na mi sore tru olsem tude mipela bai lusim “Ples bilong San i go Daun” na go bek long Mosbi.

Tasol tru tumas, Sandaun em wangepela naispela ples we igat stail na bilas bilong en yet. Yu yet go na filim.



Ol nius man bilong Mosbi siti i sef long solwara long Yako klostu long PNG-Indonesia boda.



Ol nius lain malolo bihain long longpela rot bilong Vanimo-Bewani haiwe.



Lukluk raun long Vanimo taun.





Program bilong Wanwan De

Mande - Fraide

6am - 10am - Sankamap show - Host: KAS.T
6:15am - Komuniti Notis Bod
6:30am - Nius Hetlains / Bondei gittings
Trukai Rais - GES FAIA KOMPETISEN
6:45am - Niuspepa Hetlains
7:00am - Major Nius Bulletin - YUMIFM Nius Senta
7:15am - Toktok sapotim LO na JASTIS Sekta
7:30am - Trukai Rais - GES FAIA KOMPETISEN
8:00am - Major Nius Bulletin - YUMIFM Nius Senta
8:15am - Ston b'long Skelim Tingting
8:30am - Trukai Rais - GES FAIA KOMPETISEN
9:00am - Nius Bulletin - YUMIFM Nius Senta
9:15am - Luksave long Komuniti (Redio Pilai)
9:30am - Trukai Rais - GES FAIA KOMPETISEN

9:45am - YUMI PAINIM WOK Segment
10:00am - Nius - YUMIFM Nius Senta
10am - 2pm - Monin Trek na Belo Pack - Host: VAVIESSIE
10:10am - Lukatim yu yet - Helt toktok - RH Hyper Mart
10:45am - YUMI PAINIM WOK Segment
11:00am - Nius - YUMIFM Nius Senta
11:10am - Conf'd - Lukauti yu yet - Helt toktok
11:30am - Nius Hetlains b'long Belo Taim
12:00pm - Major Nius Bulletin - YUMIFM Nius Senta
12:10pm - BELO Taim - wantaim sapot b'long TELIKOM
12:15pm - Komuniti Notis Bod
12:20pm - BELO Taim - wantaim sapot b'long TELIKOM
1:00pm - Nius - YUMIFM Nius Senta
1:10pm - BELO Taim - wantaim sapot b'long TELIKOM
2:00pm - Major Nius Bulletin - YUMIFM Nius Senta
2pm - 6pm - Avinun Draiv Taim - Host: Enjo Dabix
2:00pm - 4:00pm (Tunde/ Fonde) TOKAUT TOKSTRET
2:45pm - YUMI PAINIM WOK Segment
3:00pm - Nius - YUMIFM Nius Senta

3:10pm - Avinun cruz
4:00pm - Nius - YUMIFM Senta
4:10pm - "FOAPELA KAM GUD LONG 4"
4:30pm - Nius Hetlains
4:45pm - YUMI PANIM WOK Segment
5:00pm - MAJOR Nius BULLETIN - YUMIFM Nius Senta
5:10pm - 6:00pm - FLAME KULCHA (1 hr) listeners request
6:00pm - MAJOR Nius BULLETIN - YUMIFM Nius Senta
6 - 7pm - Maggi noodles request aua
6pm - 00am - NAIT BEAT - Host: ANGRA KENNEDY
6:10pm - 7:00pm Mun kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
9:00pm - 00am - Nait Beat - Isi Cruz long nait
00am - 6am - BRUKIM TULAIT SHOW - Host: Papa Raegs / Sally / Nenge
00:00 - Early Monin Taim Cruz (ol lain brukim tulait shift)
- Musik / Request / Tok pilai
- Kipim Kampani long ol nait shift.

Weekend Shift - Saturday & Sunday
6:00am - 11:00am - Wiken Sanrais
6:30am - Komuniti Notis Bod - Bondei gittings
7am - 9am - Wiken Spots
9am - 11am - Monin Raun
11am - 1pm - National Weekly Hit Parade (Host Kas.T)
2pm - 6pm - Sarere Avinun Draiv
6pm - 00am - Nait Beat (Host Angra Kennedy)

YUMIFM POROMAN TEAM:
Tumer (KAS.T) Arifeae - Team Leader / Program Director
Angra KENNEDY - Senior Announcer
Sinimil (Vaviessie) Philipo - Promotions Co ordinator
Papa Raegs - Announcer Nenge Neings - Announcer
Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Helt
8.15PM Musik
8.30PM NUIS
8.40PM Spots Riplei
8.55PM Musik
9PM Stesen Pas
TUNDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Mama Graun
8.15PM Musik/Spots
8.30PM NUIS
8.40PM Helt Riplei
8.55PM Musik
9PM Stesen Pas
TRINDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Focus
8.15PM Musik/Spots
8.30PM NUIS
8.40PM Mama Graun Riplei
8.55PM Musik
9PM Stesen Pas
FONDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Youth
8.15PM Musik/Spots
8.30PM NUIS
8.40PM Focus Riplei
8.55PM Musik
9PM Stesen Pas
FRAIDE - Moning - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas
7PM Stesen Op
7.01PM Ol Hetlain na Program Priviu
7.15PM Musik na Chit-Chat
7.30PM Nius na Karen Afeas
8PM Wantok
8.15PM Musik
8.30PM NUIS
8.40PM Youth Riplei
8.55PM Musik
9PM Stesen Pas
SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Wantok
8PM Lokal Ben
8.30PM Nius
8.40PM Musik/Chit Chat
9PM Stesen Pas
SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius
7.40PM Femili Blong Serah (Redio Plei)
8PM Lukluk Bek Long Wik
8.30PM Nius
8.40PM Musik/Chit Chat
9PM Stesen Pas

Raun wantaim Wantok kru ...

Kainkain nek i kamaut nau long PNG

Nicky Bernard i raitim bilong tumbuna i wok long pinis nau insait long kantri bilong yumi. Sampela ol bik nem musik manmeri i wok long holim dispela tumbuna stail nek na singsing stap yet long mekim music na singsing bilong ol. Kain ben olsem Siassi Herites, music man olsem Demas Saul, Lista Serum, Patti Doi, Willie Sebas, em bai yu harim ol singsing long stail na gat planti ol lain bilong singsing, nek bilong ol i ken kamap olsem ol wait manmeri we bai yu ting olsem ol tru tru ol wait lain. Bipo yumi save gat ol pasin tumbuna we yumi save singsing long nek na stail bilong tumbuna stret, dispela nek na stail singsing

nek bilong tumbuna na ol karim kam na mekim musik bilong ol i go bikpela. Planti long ol yangpela musik manmeri bilong nau, i wok long senisim nek bilong singsing bilong ol, dispela kain nek na stail bilong tumbuna i lus pinis. Nau planti long ol resis i wok long kamap long kantri bilong yumi long soim olsem husat i gat nek long singsing bai winim win moni. Digicel, mobile kampani, kamapim wanpela resis, em go long sampela provins tu na mekim dispela resis long givim sans long ol yangpela manmeri husat gat nek bilong singsing tasol i no save soim ples klia. Dispela resis digicel mekim ol kolim long Digicel Star, em bai yu resis long singsing na ol bai makim nek na stail yu mekim long taim yu singsing. Lamana Hotel tu i mekim wankain resis, ol kolim PNG Idol we bai resis bai stap 10pela Sarere olgeta na dispela em ol lain yangpela manmeri long Mosbi tasol i wok resis long en. Narapela hotel tu long Mosbi tu save mekim wankain resis, Ela Beach hotel i statim dispela kain resis na em kisim planti yangpela we nau sampela bilong i wok singsing long sampela ben insait long Mosbi siti. Long Mosbi yet, bai yu lukim ol wankain lain husat i singsing long wanpela hotel bai go long narapela hotel long soim nek bilong em. Digicel i mekim gut long go aut long ol provins na painim nek, dispela bai givim moa sans long ol ples lain long soim tru kala bilong nek na singsing bilong ol. Dispela wiken long Sarere, ol lain husat save traim nek bilong ol long Lamana hotel bai lukim semi fainol bilong las 10pela manmeri, dispela bai husat laki bai go insait long narapela fainol.



Singsing long kareoki.

93FM YUMIFM National Weekly Hit Parade: Sponsor: Digicel - bigger, better network. Produced & Host by: Kas.T. Satisties: Talaigu Sophie & Poroman Crew. Week Ending: Saturday - 06th November 2010. Table with columns: Week Before, Last Week, This Week, Charting Song, Artist.

Sapos yu laik harim nek bilong ol lain husat i wok long resis long Digicel Star, putim was long TV bilong yu na lukim husat ol yanpela gat rait nek bilong singsing na bai yu gat sans long lain long soim tru kala bilong nek na singsing bilong ol. Dispela wiken long Sarere, ol lain husat save traim nek bilong ol long Lamana hotel bai lukim semi fainol bilong las 10pela manmeri, dispela bai husat laki bai go insait long narapela fainol.

EMTV Television Guide

Table with columns for time slots (e.g., 4.59AM, 5.00AM), station names (e.g., STATION OPEN, JOYCE MEYER), and program titles (e.g., Religious program, TODAY, EMTV TOK SAVE).



TORO



BIABIA



KANAGE



TOKWIN

PNG lain kapsait yet long Batas

Dispela bisnis senta o maket ol i kolim "Batas" long PNG-Indonesia boda em ples we planti lain bilong PNG i save bel guria na agris tru taim ol i raun i go long Vanimo na raun I go long boda long lukim. Planti lain i save laik go long dispela ples we bisnis na maket i save kamap long baim ol samting we prais i daunbilo tru. Las wik sampela ol gavman wokman husat i bin go long Vanimo long miring i pulim lain stret i go

baim ol kain kain samting long karim i go long femili bilong ol.

K1 Pall Mall simuk long Kokoda

Sapos yu man bilong taun husat i laik go long ol bus ples, tingting gut na baim ol simuk paket bilong yu na karim i go.

Long aste, sampela nius man bilong Mosbi i guria long taim ol i lain baim lus simuk em Pall Mall we prais bilong en em K1 long wanpela lus.

Bus ples ya, olsem na prais i antap.

Madang nidim nupela taun plen

Planti moa bisnis na developmen i wok long kamap long Madang taun tasol nogat plen i stap long mekim taun i go bikpela. Moa-beta, provinsal gavman na edministresin mas tingting gut long dispela na mekim wanpela samting. Nupela gol main long Yandera, Ramu Nikel na tu Pasifik Marin Industrial Zon bai bringim moa developmen. Olsem na ol lida long Madang mas 'Mekim Samting Stret'.

Tokwin Tasol...

Word search grid with letters M, A, N, U, S, N, A, L, I, A, H, N, E, T, S, E, W, Y, A, M, U, K, S, I, N, O, L, A, R, T, E, K, E, D, I, S, D, E, A, R, M, E, L, A, R, T, N, E, S, P, C, S, R, E, A, E, I, S, S, E, P, I, K, F, T, A, O, N, N, S, B, V, N, C, L, Q, O, I, R, N, E, V, I, K, E, U, N, O, W, R, G, I, A, R, W, P, N, I, O, C, L, S, B, J, R, Q, T, S, U, F, N, H, I, F, A, T, V, I, N, R, B, O, G, E, N, V, I, L, C, O, H, S, I, D, B, A, I, C, M, S, U, B, R, W, E, T, K, N, E, M, N, Y, L, T, E, C, D, I, S, I, M, B, U, L, B, Z, R, U, F, I, E, N, G, A, O, P, E, Z, E, S, N, P, V, E, A, C, A, N, T, A, E, L, U, W, S, W, E, H, I, P, D, D, O, H, S, W, R, P, K, I, D, A, L, Y, Y, O, L, F, N, U, N, W, E, S, N, U, B, R, I, T, E, N, I, O, L, F, N, A, N, E, R, E, I, Y, X, N, M, C, F, O, I, M, G, P, S, B, T, T, N, M, S, W, A, I, O, B, N, C, V, F, P, T, C, S, S, A, U, T, E, N, H, A, I, L, A, N, S, O, R, O, I

Table with 4 columns: MANUS, NU AILAN, IS NU BRITEN, WES NU BRITEN, BOGENVIL, MOROBE, MILEN BE, NCD, WESTEN, ORO, IS SEPIK, SANDAUN, MADANG, ENGA, SIMBU, GALP, SENTRAL, WESTEN HAILANS, ISTEN HAILANS, SAUTEN HAILANS

9x9 grid for a crossword puzzle with numbers 3, 1, 7, 2, 8, 9, 6, 5, 1, 8, 9, 6, 9, 8, 5, 4, 1, 2, 6, 4, 2, 8, 9, 3, 1, 7, 5, 4, 1, 6, 9, 3, 2, 8, 5, 7

9x9 grid for a crossword puzzle with numbers 1, 8, 9, 4, 6, 7, 5, 3, 2, 5, 6, 4, 3, 2, 8, 7, 1, 9, 7, 2, 3, 5, 1, 9, 4, 6, 8, 3, 5, 8, 7, 4, 1, 2, 9, 6, 9, 7, 1, 2, 5, 6, 3, 8, 4, 6, 4, 2, 8, 9, 3, 1, 7, 5, 8, 3, 5, 6, 7, 4, 9, 2, 1, 2, 9, 7, 1, 8, 5, 6, 4, 3, 4, 1, 6, 9, 3, 2, 8, 5, 7

Ansa bilong las wik Sudoku

15x15 grid for a crossword puzzle with letters A, I, R, N, I, U, G, I, N, I, K, A, G, O, A, P, S, S, I, A, L, E, T, I, R, L, E, K, A, K, K, N, S, I, S, I, I, O, U, N, B, P, N, I, P, T, E, A, I, J, A, T, I, K, S, L, T, A, A, I, E, P, U, I, K, N, K, S, N, S, R, S, E, T, E, G, U, D, T, E, T, Y, N, K, T, K, A, S, I, A, I, E, L, P, A, I, L, O, T, I, M, S, B, A, L, U, S, A, I, J, I, U, S, E, A, H, O, S, T, E, S, F

Ansa bilong las wik Pasol

EMTV Television Guide

Table with columns: Time, Channel, Program Name, Date, Time, Channel, Program Name, Date. Rows include programs like CRIME STOPPERS, NATIONAL EMTV NEWS, CLASSROOM BROADCAST, AUSTRALIA NETWORK, STATION OPEN, JOYCE MEYER, TODAY, CLASSROOM BROADCAST, GRADE 7 MATHEMATICS, GRADE 7 SCIENCE, GRADE 8 MATHEMATICS, GRADE 8 SCIENCE, GRADE 6 MATHEMATICS, GRADE 6 SCIENCE, DEPI TRAINING, KIDS KONA, MAGICAL TALES, HI-5, THE PYRAMID, THE SHAK, EMTV TOK SAVE, EMTV NEWS UPDATE, WHO WANTS TO BE A MILLIONAIRE - HOT SEAT, RAISING THE BAR, GREY'S ANATOMY, EMTV NEWS RE-PLAY, AUSTRALIA NETWORK, DATE, WHO WANTS TO BE A MILLIONAIRE - HOT SEAT, CRIME STOPPERS, NATIONAL EMTV NEWS, A CURRENT AFFAIR, EMTV TOK SAVE, EMTV TOK SAVE, WEDNESDAY NIGHT, MOVIE: XXX: THE NEXT LEVEL, A Devastating attack on Washington is in progress when Darius Stone, a new agent to the XXX program, uncovers this plan. His investigations lead him deep into the US Government and only he can stop the inevitable tragedy from happening. Stars Samuel L. Jackson, Willem Dafoe and Ice Cube, NATIONAL EMTV NEWS REPLAY, AUSTRALIA NETWORK



# Raun wantaim Kanage olgeta wik

## Tais Wara

Kanage em wanpela ekting bodi bilong hap long Banz ol i kolim ples Kalanga. Nik nem bilong em Tais Wara. Em save draivim lasmangi daina long Banz-Kimil rot. Wanpela taim buk i kamap stret long lek mit bilong em na wara nogut i kamaut. Dispela taim em i bin putim wanpela blakpela spotwe bilong Susana na draiv i go long Banz taun. Long hap yet em kamaut long kisim buai na wokabout krangi liklik. Man ol meri long KNK i lap na tok, "Porok o draiva?" Kanage strongim sait na tok "Em tais wara ya, noken tok."

MDH,  
Banz



"There..."

Wanpela taim Kanage wantaim gelpren bilong em go danis long ples Gasmata long Arowe. Musik bilong Gasmata Vaibresen mekim ples paia na Kanage wantaim gelpren bilong em i mekimsave. Tupela go long namel na stat long disko. I no long-taim na wanpela man holim as bilong gelpren bilong Kanage na gelpren bilong Kanage i singaut. Kanage belhat na bikmaus long Tok Inglis, "Atus Rokat! The trabel is kamap there! We is the Kanai sikiriti there?" Ol lain stap klostu harim na ol lap long

Kanage. Kanage tok gen, "Hey don't lap there! I don't do the form four there. I cut the banana there, the tisa the rausim mi there!"

Bikpela Uncle  
Arowe

**Ol skwat!**  
Salim ol gutpela Kanage tok pilai i kam long:  
Kanage Tok Pilai  
P.O. Box 1982,  
Boroko, NCD  
Port Moresby.  
Email: atolire@wantok.com.pg

# Papa i no bisi long mama wantaim ol pikinini olsem na mama tu wokim wankain pasin

**Dia Laiplain,**  
MI WANPELA mama i gat tripela pikinini. Tupela i bilong mi stret na wanpela em mi adoptim o kisim long narapela famili na lukautim i stap. Tupela pikinini stret bilong mi stap long sekonderi skul. Pikinini meri i wokim Gret 11 na boi i wokim Gret 9.

Papa bilong ol i wok long wanpela maining kampani na i save plai i go na i kam long wok bilong em taim mi stap long haus na wok olsem wanpela haus meri.

Taim papa ya i kam long malolo bilong em, em no save bisi long mi na ol pikinini bilong em, nogat tru. Em i save stap wantaim ol poroman bilong em husat em i dring tu wantaim. Mi les pinis nau na mi wokim wankain samting nau olsem man i save mekim. Taim mi bekim samting man bilong mi i wokim, mi no bisi long ol pikinini na pikinini meri bilong mi husat i wokim Gret 11 i bin dring hombru na ol i rausim em long skul. Mi paul na mi no save bai mi mekim wanem long hevi we pikinini i gat nau long en.

Inap Laiplain i helpim mi long kisim sampela gutpela tingting na mipela i luksave wanem samting i bin go rong na wanem samting mipela olsem mamapapa i no bin mekim?

## Mother in Distress

**Dia Pren**  
Mipela i luksave long wari yu stap long en we i mekim yu i raiti i kam na serim wari wantaim mipela. Mipela i tok tenkyu long yu i luksave long wok Laiplain i mekim long helpim pipel i gat wankain wari olsem yu na ol narapela moa husat i ken lainim sampela samting long pas bilong yu.

Pren, yu tok olsem yu gat tripela pikinini i stap long skul, tasol wanpela i no bilong yu stret. Yu kisim long lukautim olsem bilong yu. Na man bilong yu i wok wantaim wanpela maining kampani na yu wok olsem wanpela hausmeri.

Yu no givim moa infomesen long pikinini yu adoptim o kisim long narapela famil long lukautim olsem bilong yu na sapos em i stap long skul o em i mekim wanem i stap. Em i gutpela sapos yu ken toktok moa long em na sapos em i kamap olsem hap long



famili bilong yu pinis o nogat.

Pren, yu tok taim man bilong yu i kam long ol malolo bilong em, em i no save gat taim long stap isi long haus wantaim famili, tasol em i save painim ol poroman na spak raun wantaim ol. Na yu olsem meri bilong em i les pinis na yu wokim wankain samting olsem man bilong yu i mekim. Pikinini meri bilong yu nau i no skul bikos ol i rausim em taim em i dring hombru. Bikos long ol dispela samting, yu paul nay u no save husat long sutim tok long en na yu laikim helpim.

Pren, sapos ol pikinini i wokim gut, em mak bilong ol gutpela papamama i givim gutpela lukaut long ol pikinini bilong ol. Ating dispela em samting i no stap na kamapim hevi long pikinini bilong yu na em i lusim skul? Stap isi liklik na tingting gut sapos pasin yu mekim long bekim bikhet pasin long man bilong yu i kamapim hevi long pikinini bilong yu i lusim skul. Yu ting taim yu bekim bikhet pasin long man bilong yu bai daunim hevi? Samting yu wokim bai helpim ol pikinini bilong yu?

Sapos nogat, i moabeta yu lusim ol dispela kain pasin na lukautim gut ol pikinini bilong yu na tu, mekim ol haus wok. Mipela i luksave olsem pasin man bilong yu i wokim i no gutpela na i kamapim hevi na wari long yu, tasol bekim i no inap helpim ol pikinini bilong yupele.

Mipela i luksave olsem taim yumi toktok nau tasol, planti papamama i wokim ol dispela samting na ol i no tingim namba wan wok bilong ol long lukautim gut ol pikinini bilong ol. Bikos long samting yu wokim na yu no gutpela piksa long ol, hevi i kamap.

I moabeta long yu stop bekim asua bilong man bilong yu na stap isi olsem gutpela mama long ol pikinini we God i givim long yu olsem ol presen. Mekim ol samting long helpim man bilong yu, painim taim long toktok long man bilong yu na bihain, toktok long ol poroman bilong em tu. Man bilong yu i save long hevi bilong pikinini tasol ol poroman bilong em bai nogat. Ating sapos ol i save long hevi long famili, ol

i ken helpim em long noken dring wantaim ol moa. Dispela em sapos ol i laik helpim em daunim hevi long family. Yu lukim sampela kaunseling lain o pasto bilong yu?

Ol papamama i gat wok na i no gutpela ekskius long abrusim o ronawe long wok olsem papa i bos bilong family na olsem mama. Wanem mani yu papa o mama i kisim long wok yu mekim i bilong famili na i no bilong wanpela tasol long kaikai long em.

Pren, i moabeta long yu serim mani na ol narapela samting yu kisim long hatwok bilong yu wantaim family na bai yu amamas. I moabeta tu long yu toktok wantaim man bilong yu na tu, kisim helpim long ol kaunseling lain o sampela gutpela poroman.


Tasol pastaim, olsem gutpela mama, i moabeta yu painim ol rot long kisim bek pikinini meri bilong yu i go bek long skul na em bai pinsim skul bilong em gut. Olsem mama, yu ken toktok long em na tok sori long samting yu wokim na i no givim em gutpela stia na hevi i kamap. Long dispela kain hevi, i moabeta long noken sutim tok long wanpela narapela, tasol yupele i sea na wok wantaim long painim rot long stretim hevi na stap gut olsem famili. Nogat man bai lus, tasol yupela olgeta bai win. Olsem mama, i moabeta yu helpim gut ol pikinini bilong yu nau na bihain taim yu lapun, ol bai kisim wok na lukautim yu.

Pren, i moabeta yu tanim bel na go long God, givim ol hevi bilong yu long han bilong em bikos em i laikim yu. Painim taim long ritim Jeremiah 33: 3 na laim em (God) i toktok long yu na givim yu stia.

**Laiplain**

**Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.**

**Laiplain**



**NEM:** Lopecii Loapa  
**KRISMAS:** 17(man)  
**ADRES:** PNG Bible Church, P.O Box 363, Mendi, S.H.P  
**SAVE LAIKIM:** Pilai volibol, harim musik.

**NEM:** Ronda Elmale  
**KRISMAS:** 20 (meri)  
**ADRES:** Pes Catholic Mission, P.O.Box 179, Aitape Sandaun Provins  
**SAVE LAIKIM:** Go lotu, mekim pani, lukim TV na mekim pen pal

**NEM:** Mariatha Seilupe  
**KRISMAS:** 27 (meri)  
**ADRES:** Pes Catholic Mission, P.O Box, 179 Aitape, Sandaun provins  
**SAVE LAIKIM:** Mekim pani, go lotu, pilai soka na volibol, harim musik na lukim TV

**NEM:**Ronald Wama  
**KRISMAS:** 25 (man)  
**ADRES:** C/-B.E.F, P.O.Box 84,Maprik, E.S.P  
**SAVE LAIKIM:** Kompyuta study, Accounting study, Economics stadi, pilai spot, mekim pren na go lotu.

**NEM:** Karl Giri  
**KRISMAS:** 36 (man)  
**ADRES:** Semoroks Gospel Club, P.O.Box 3368, Lae, Morobe Provins  
**SAVE LAIKIM:** pilai lid gita, komposim na singsing long God, painim meri lotu long helpim long singsing.

**NEM:** Mary -Grace Walete  
**KRISMAS:** 19 (meri)  
**ADRES:** Pes Primary School, P.O.Box 36, Aitape, Sandaun Provins  
**SAVE LAIKIM:** lukim TV, harim musik, go lotu, pilai soka na basketbol, mekim pani

**NEM:** Keiken Elmale  
**KRISMAS:** 24 (man)  
**ADRES:** Pes Primary School, P.O.Box 36, Aitape, Sandaun Provins  
**SAVE LAIKIM:** Mekim pani, pilai soka, harim musik na lukim TV

**NEM:** Franklyn Wamo  
**KRISMAS:** 26 (meri)  
**ADRES:** Pes Primary School, P.O.Box 36, Aitape, Sandaun Provins  
**SAVE LAIKIM:** Mekim pani, go lotu, pilai soka, harim musik na lukim tv

**NEM:** Annie Mary Yuwei  
**KRISMAS:** 20 (meri)  
**ADRES:** Pes Primary school, P.O.Box 36, Aitape, Sandaun Provins  
**SAVE LAIKIM:** Pilai soka, volibol, mekim pani, go lotu, harim musik na lukim tv

**NEM:** Amos Geyamme  
**KRISMAS:** 23 (man)  
**ADRES:** Guyata Elementary School, P.O.Box 386, Eriku, Morobe Provins  
**SAVE LAIKIM:** Pilai soka, ritim buk na go lotu



# Siti Famasi na Stop n Shop lonsim “Win K50,000 kes’ promosen



EM i taim gen long lukluk long bikipela sisen!

Siti Famasi Limited (CPL) Grup, bikipela stua network we i papa long ol lain stua bilong Siti Famasi na Stop N Shop i bung wantaim na lonsim laki pilai “Win wantaim K50,000 kes mani.”

Bai gat 30 wina long K1,000 wan wan long Novemba 1 inap long Disemba 31, 2010.

Inap long 5-pela man o meri bai winim K1,000 long wan wan wik na long laspela na fainol dro laki wina bai kisim K20,000.

Em i isi long join olsem 1-2-3. Husat manmeri i baim samting long CPL stua o Stop N Shop bai stap insait long dro na gat sans bilong winim mani.

Olgeta lain husat i soim pepa bilong em i baim samting long

stua long K100 mani mak em ol stua kipa bai kisim nem bilong em na putim long resis long winim K1,000 laki dro.

Long Prue Go, CPL Grup Maketing Menesa, em i pasin bilong Siti Famasi na Stop N Shop lain stua long ol i kamapim kain laki dro long ol kastoma long taim bilong krismas.

Em i tok dispela i wanpela rot bilong Grup i tok tenk yu long ol kastoma bilong em.

Long dispela as go long wanpela CPL o Stop N Shop nab aim ol samting long mak bilong K100.

“Helt bilong famili bilong yu na biuti speselis,” na kisim sans long winim sampela mani long amamas wantaim famili bilong yu.

## ANZ i skruim invesmen long Pasifik long Pasifik rijen

ANZ i skruim invesmen long Pasifik long 2010 mani yia wantaim lukluk long kamap bilong moa opis bilong em.

Long taim em i tokaut long dispela tingting bilong em long las wik em i tokaut tu long mani mak em i kamap long dispela yia.

Mani bilong em long dispela yia bihain long e mi baim takis i sanap olsem US\$132 milion long yusim long Pasifik bisnis long 2010.

CEO Pasifik Michael Rowland i

tok: “Invesmen bilong mipela long rijen i soim laik mipela i gat long kamapim na strongim wok bilong rijen.

“Benk i mekim wok long 12-pela kantri long rijen

“Long dispela yia wok bilong mipela i skruim tu stretim wok em mipela i mekim long Lae na Mt Hagen opis.

“Mipela i kamapim opis tu long Gizo, Solomon Ailans na bai opim nupela brens long Suva, Fiji long pinis dispela yia.”

Long mani ripot bilong em long 2012, ANZ i lonsim eGate, long winim ples na kamapim ilektronik pe. Ol kastoma i ken mekim benking long online sevis.

Dispela sevis i kamapim bihanim planti ol elektronim sevis.

Long Papua Niugini e mi kamapim sampela bilong dispela ol sevis long bungim laik bilong PNG Likuifaid Neturel Ges (PNG LNG) projek.

Benk i strongim gen ol sevis bilong em bihain long bagarap em

sunami i kamapim long Samoa, Amerika Samoa na Tonga na saiklon long Fiji na Cook Ailans.

“Wantaim moa long 2,000 lokol wokmanmeri insait long Pasifik rijen, mipela i save long bikipela mak bilong sapatim komyuniti.

“Mipela i tok welkam long lonsing bilong lokol Pasifik wokmanmeri em mipela i gat long em.

“Long 2010 mipela i lonsim Pasifik Lidasp Developmen program.

“Mipela i lukim pinsi kaikai bi-

long kain program olsem long Isikeli Tuituku bilong Fiji husat em Sif Eksekyutiv Opisa bilong Kiribati long makim em ol wanpela sif eskekyutiv opisa,” Mista Rowland tok.

Em i tok ol i lonsim tu senis long ol opisa bilong ol long wan wan ol kantri long go narapela kantri na kisim save long em tu.

Benk i mekim wok long Pasifik rijen long las 130 yia na nau i mekim wok long 12 kantri long Pasifik rijen.

## Nupela lukluk bilong wokman bilong bimobail weahaus



NUPELA YUNIFOM: Ol wokman bilong bemoail long wanpela wea haus i kisim ol nupela yunifom bilong ol. Sanap em (l-r) Jack, Gima, Lahui, Andrew na Iga Kila.

BIMOBAIL wea haus wokman long Badili i kisim gutpela ekspiriens dispela wik.

Dispela senis em long ol i kisim nupela yunifom.

Em i welkam nius long lojistik kodineta, Iga Kila na ol arapela opisa long wea haus.

Long dispela Mista Kila i tok ol yunifom i kam long taim we ol i laikim stret. Long taim ol olupela yunifom i wok long go bagarap.

“Tenk yu tru menesmen long kam long helpim mipela long taim mipela i nidim tru mani.

“Dispela em i taim bilong mipela i mas lukim ol senis na ol gutpela senis we i mas strongim mipela long nau na ol taim bihainim.



# Manmeri kisim skul long lukautim hani bi

## Tella Loie (DAL) i raitim

**INAP olsem 50 fama i kamap long hani bi skul long Goroka i no longtaim i go pinis.**

Planti bilong dispela ol fama i long hap bilong Goroka we sampela bilong ol i nupela ol fama.

Dispela skul em i kisim wanpela wik olgeta we lokol Memba, Thompson Haroquave, i sponsaim.

Tella Loie, apikalsa opisa; Isten Hailans Bikiping Asosiesen Siaman; Jonah Buka, Jon kodineta Wilson Tomato; hani bi fama Aya Sama; na Joachim Waugla bilong Dipatmen bilong Agikalsa na Laipstok (DAL) i ronim.

Wankain skul em Loie na ol memba bilong bi faming asosiesen i bin ronim long Madang na Bulolo na inap olsem 15 i go long 20 manmeri i bin kamap tasol i no moa long 50 mak olsem i bin kamap long Goroka.

Ol manmeri i lainim planti ol gutpela samting olsem wok bilong kamapim na lukautim hani bi; long ol hap i gutpela long lukautim bi; long kamapim hani; long pekim na salim; na long

pasin bilong lukautim wanpela long taim bilong wok long hani bi.

Wanpela mak ol manmeri i pas na kisim pepa bilong ol em long lukim hani bi i kaikaim wanpela hap bilong bodi bilong ol.

Dispela em long painim aut sapos ol inap long lukautim hani bi na olsem ol i no ken kisim bikpela bagarap long bihain taim sapos hani bi i kaikaim ol.

Mista Loie i tok dispela i namba wan taim wanpela Memba Isten Hailans i kisim tingting na yusim mani long kamapim skul bilong kamapim na lukautim hani bi.

Memba i bin givim wankain skul pastaim long kisim save na redim ol yet long bikpela san em ol saveman i tok bai kamap long 2012.

Loie i askim ol arapela Memba bilong Palamen long bihainim Mista Haroquave na givim mani long ol opisa i go aut na givim skul long ol manmeri.

Ol manmeri i tok amamas long Haroquave long gutpela tingting em i gat long larim ol i kisim skul bilong lukautim hani bi.

Pulex Oti biong Hegu viles, Kabiufa, i tok pasin bilong lukautim hane bi i ken fani samting tasol i gat ol salens bilong em tu.



LAIK SAVE: Ol hani fama bilong Goroka i bung ausait long Goroka Kaunsil Semba long taim bilong kisim skul. *Poto: TELLA LOIE*

Em i stat long lukautim hani long 2003 na nau long dispela taim i gat 40 bihains na i save salim hani bilong em i go long Nugini Frut Kampani bilong Goroka.

Em i tok prais bilong hani long dispela taim i sanap olsem K9 i

go long K10 long wanpela kilo.

Na em i askim ol manmeri long ol i mas gat strongpela tingting long kamapim na lukautim hani bi long wanem dispela bisnis i ken lukautim ol tu.

Long makim maus bilong ol manmeri em i tok tenkyu long

Haroquave na ol manmeri husat i kamap na givim skul.

Long strongim wok bilong lukautim hani bi, memba i baim olsem 120 bi haiv, hani ekstrekta, protektiv gia (banis kolos) na planti arapela samting.

# NARI skulim ol bus manmeri long lukautim pis

## Densley Tapat (NARI) i raitim

NESENEL Agrikalsa Risets Institut (NARI) nau i lukluk long kamapim wok bilong lukautim pis long bus o kamapim ples bilong lukautim pis long sampela hap bilong kantri.

Dispela tingting em gavman bilong Papua Niugini i sapotim.

Inap olsem 200 manmeri i kamap long ol skul long Westen Hailans, Morobe na Is Nu Britan Provins.

Dispela trening i bilong luksave long ol manmeri husat inap long kamapim dispela wok we projek em Pablik Invesmen Progrem (PIP) i givim mani.

NARI i givim dispela skul long helpim ol manmeri i ken mekim wok na strongim laip bilong ol yet.

Wantaim gutpela menesmen, ol liklik wok bisnis olsem pis fam i ken sapotim gut ol liklik komyuniti.

Long taim bilong givim skul ol manmeri i serim ol toktok na save ol i gat namel long ol yet.

Ples NARI i kamapim ol projek em long Kasapo Viles, Garasa long Garaina Distrik, Morobe Provins; Gia, Tamal, Kiripia na Alkena Viles long Loa Kagul long Tambul Nebiliyer Distrik, Westen Hailans Provins; Vairiki1, Tagitagi 2,

Toma, Vunadirdir long Gazelle Distrik na Lausus Viles long Melkoi LLG long Pomio long Is Nu Briten Provins.

Ol trening long loa Kagul i kisim olsem tripela de we inap olsem 90 manmeri i kamap, Gia i bin gat 20 manmeri i kamap na Tamal Kiripia olsem 50 manmeri Tamal Kiripia na 20 long Alkena.

Long Garaina, inap olsem 49 manmeri i kamap we 9-pela em ol meri na long Pomio, inap olsem 60 manmeri i kamap we 10-pela em ol meri.

Trening i lukluk long hevi bilong ol fama tu long wanem samting ol i mas mekim long em.

Bikpela hevi em long kain kaikai em ol manmeri i mas givim long ol pis.

Na i nogat inap ol skul toktok long tokim ol manmeri long wanem samting ol i mas mekim long kamapim kaikai na givim long ol pis long kaikai.

Ol fama i yusim tu ol kain kaikai we i no gutpela long ol pis na dispela i pasim gutpela kamap bilong pis fam.

Dispela projek i wanpela bilong ol projek we PIP i helpim na givim mani arere long ol arapela projek olsem pis mil, milran, rais bren, kopra mil na ol agrikalsa bai prodak.



LAIK SAVE: Ol bagaros bilong Pomio bus i luksave long ol rot bilong lukautim pis tai mol i go long Lausus pis pon bihainim wok about bilong NARI opisa.

MEKIM OLSEM: Ol manmeri Gia klostu long Tambul, WHP, wantaim Densley Tapat bilong NARI i makim ples bilong mekim pis pon.





REDI: Oi liklik mangi sanap redi long resis long ainman resis bilong ol mangi long Wewak long Oktoba 17.



MALOLO: Wanpela PNG Kurakum pilaia i kisim win bihain long gem bilong ol long Australia las wik. POTO: AFL PNG.



TIM: SP Brewery volibol tim i soim kala bilong ol bipo long gren fainol gem bilong ol wantaim NCDC long Ela nambis las wik Sarere long Mosbi insait long kopret volibol salens. POTO: SP Brewery.

AMAMAS: Oi sumatin na tisa long Moro i soim amamas bilong ol long lainim tenis oslem wanpela nupela spot long hap taim BSP na PNGTA kisim program bilong ol i go long hap las mun. POTO: BSP.

